



Universitätsbibliothek Paderborn

**Hermes Theologicvs, Id est Synopsis totius Theologiæ,
perspicuè, doctè, subtiliter, ac breviter discussa**

Et In octo Partes ... distincta ...

De Deo Vno, & Trino

Vindalium, 1646

Cap. V. De voluntate diuinâ, & obicoto eius.

urn:nbn:de:hbz:466:1-38742

Etiam si deus non voluntate
voluerit, non potest esse deus.

CAPUT V.

*De voluntate diuinâ &
objeto eius.*

SECTIO I.

An sit in Deo.

CONCLUSIO I.

IN Deo est voluntas.) Probatur; tum ex Scriptura Isal. 113. Omnia quæcumque voluit fecit Rom. 9. Voluntati eius quis resistet? tum Deus est intellectu præditus, ergo & voluntate: Sequela patet, nam appetitus sequitur formam, naturalis naturalem, sensitius sensitivam, & rationalis rationalem, ut nimirum quælibet res possit appetere bonum sibi conueniens: Deus ergo appetitu rationali, seu voluntate præditus est: præsertim cum hæc sit perfectio simpliciter simplex, supremo & perfectissimo enti apprime consentanea & necessaria.

Nota 1. voluntatem non esse propriè
in Deo per modum potentiae, & actus
primi, quia strictè loquendo potentia
volendi est principium elicitiū actua-
lis volitionis realiter distinctæ & sub-
iectum illius receptuum, quæ conditio-
nes repugnant summae puritati & sim-
plicitati diuinæ, ut patet ex alijs di-
ctis.

Nota 2. quod etsi à parte rei volun-
tas non sit in Deo per modum potentiae
seu actus primi, nihil tamen vetat quia
eam hoc modo concipiamus, sicut eam
consideramus ut distinctam ab essentia,
& veluti quandam illius proprietatem;
sicut etiam distinguimus per rationem
attributa ab eadem essentia diuina, &
concipimus Deum non modo actu in-
telligere, sed etiam habere intellectum
infinite perfectum per modum potentiae,
ab actuali intellectione distinctæ. . 131

C O N C L V S I O II. In Deo est
appetitus innatus.) Probatur, nam in
primis ersi Deus ipsis perfectissimus,
non possit habere naturalem appetitum
per modum prosecutionis, quo tendat
ad consecutionem alicuius perfectionis;
cum tamen quilibet res quiescat in per-
fectione naturali quam possidet, non
incongruè dici potest Deum, non tan-

tum appetitu elicito sibi complacere in suis perfectionibus, sed etiam ex inclinatione naturali in iis quiescere; atque adeò habere appetitum innatum per modum quietis, ex sola naturæ inclinatione ortum.

Deinde persona producens dici potest habere appetitū naturalem, ad productionem personæ ab ea procedentis, siue quia persona producens est Deus, at diuinitas naturaliter propendet in totam suam perfectionem, quæ non subsisteret sine tribus personis: siue quia sicut in creatis, potentia productiva habet infinitum appetitum, ut suo effectui se communicet, ita in persona producente debet esse appetitus innatus, ut se communicet personæ quæ ab ea producitur.

Tandem tota Trinitas ut unus Deus omnipotens & infinite bonus, naturaliter inclinatur ad suas perfectiones creaturis communicandas, tum quia quælibet potentia activa naturaliter inclinatur ad suos effectus producendos, tum quia generatim bonum est sui diffusum: Deus tamen naturalem hanc inclinationem necessario non exequitur, sed ex iudicio rationis liberaque voluntate, quia quæcumque vult facit in cœlo & in terra.

Dices, in Deo est appetitus rationalis, quo in propriis perfectionibus sibi complacet, seque aliis comunicat: ergo, quoad hæc, appetitus innatus est superfluus. Respondeo non sequi, quia dantur in re aliqua varij appetitus, iuxta varios entis gradus quos participat, ut patet in homine, qui habet appetitum sensituum, et si per rationalem in illius obiectum ferre possit.

C O N C L V S I O III. Deus vult & amat seipsum, & creaturas omnes.) Prima pars adeò certa est ut probatione non indigeat: frustra enim voluntate præditus esset, nisi aliquid vellet & amaret: nullum autem obiectum ipsius voluntate congruentius cogitari potest, quam eiusdem bonitas insuita: quare dubitari nequit quin Deus seipsum, idque infinitè diligat.

Eò vel maximè quia sicut diuinæ cognitionis obiectum primarium est diuina veritas, ita proportione seruata diuinæ volitionis obiectum perfectissimum diuina bonitas esse deberet; ita ut ad essentialem & absolutam Dei felicitatem utraqnc operatio concurrat, videlicet comprehensio, & amor suiipsius.

Secunda pars probatur i. ex Scriptura, Psal. 113. Omnia quæcumque voluit

fecit : & Sapientia II. Diligis omnia quæ sunt, & nihil odisti eorum quæ fecisti. 2. ratione, nam sicut se habet intellectus diuinus ad verum, ita & voluntas diuina ad bonum; sed diuinus intellectus fertur in omne verum, non solum increatum, sed etiam creatum, ut supra ostensum est: ergo & voluntas diuina in omne bonum, non tantum increatum, sed etiam creatum, quale est omne ens à Deo productum ; iuxta illud Genes. I. Vidi cuncta quæ fecerat, & erant valde bona.

Confirmatur, nam cum nihil sit à se præter Deum, sequitur alia omnia quæ sunt, à Deo producta esse : & cum Deus non agat ex necessitate naturæ, sed liberimè ut infrà ostendemus, hinc sit, ut creaturem non produixerit nisi volens, & ex mero affectu iis communicandi bonitatem suam iuxta vniuersiusque capacitatem; unde quia amare aliud nihil est quam velle bonum alicui: quo magis res aliqua participat de bonitate & perfectione diuina, eo magis illa censetur à Deo diligi Quo autem modo Deus creaturem diligat, dicetur cap. 17.

C O N C L V S I O IV. Deus non vult malum culpæ, et si illud permittar, vult tamen malum pœnæ non per se, sed per accidens.) Prima pars est aperta

in Scriptura, Sapientiae 14. Odio sunt
Deo impius & impietas eius. Psal. 44.
Dilexisti iustitiam & odisti iniquitatem.
Ratio autem est, quia cum Deus nihil
velit saltem ultimatè, nisi ex motu
suæ bonitatis, sequitur eum nihil posse
appetere, nisi quod dicit ordinem ad ip-
sius bonitatem, & ad illam refertur: at
malum culpæ non ordinatur ad bonita-
tem diuinam, quin priùs illi repugnat,
vel tanquam ab ea ut ultimo fine planè
auertens, si peccatum sit mortale; vel
saltem aliquantisper retardans, si sit ve-
niale.

Secunda pars facile ostenditur, nam
multa peccata quotidiè fiunt ab homi-
nibus, quæ non fierent nisi permitteret
Deus ea fieri; illa ergo permittit, non
merè negatiæ se habendo circa pecca-
tum, sed actu positivo voluntatis volen-
do illud permittere, & consequenter
suppeditate concursum necessarium ad
illud patrandum. Et quamvis peccatum
sit malum, bonum tamen est ut creatura
libera sinatur ut iure suo, & consequen-
ter ut Deus non deneget illi concursum
quem ex munere primæ causæ illi ex-
hibere tenetur, & sine quo in actum pro-
dire non posset.

Tertia pars probatur, nam quod Deus
velit

velit aliqua ratione mala pœnæ, hoc cōstat ex variis pœnis quas tam in hac quam in alia vita immittit. Quod autem non velit tale malum per se, satis ex eo patet, quod appetitus nō intendit per se nisi in bonum. Quod etiam possit velle eiusmodi malum per accidens, ea ratione ostenditur, quia bonum diuinæ iustitiae pœnis coniunctum melius est, & optabilius quam bonum naturæ quo eiusmodi pœnæ priuant. Vnde etiā vult Deus per accidens naturales defectus, propter bonum ipsis coniunctum: verbi causa, vnius rei corruptionem propter generationem alterius, & ut seruet ordo naturalis rerum ac pulchritudo vniuersi.

Nota Deum non esse causam peccati, etsi causet voluntatem; quia cum hæc sit libera, peccatum cauere potest. At neque Deus est causa peccati etsi ad entitatem illius concurrat, quia nihilominus non est propriè causa ut talis entitas ponatur in rerum natura, cum voluntatem creatam ad illius positionem non impellat, siue physicè siue moraliter; & aliunde cum sit prima causa tenetur concursum suum generalem exhibere voluntati, quoties illa operari voluerit.

CONCLVSION. Deus vult
de Deo.

G

quicquid vult propter suam bonitatem,
adeoque obiectum formale omnium vo-
litionum diuinarum est ipsius bonitatis.)
Probatur, tum ex verbis illis Bernardi
serm. 59. in Cant. Amat & Deus, nec aliū
de hoc habet, sed ipse est vnde amat.
Tum quia cūm Deus creando res, bonas
faciat, pater eum non posse moueri à
præexistente earum bonitate, ut eas ve-
lit & diligat, sed à sua bonitate infinita,
quæ proinde est obiectum formale,
& totale motuum diuinæ volitionis :
quatenus Deus essentiam suam ut infi-
nitis modis participabilem cognoscens,
motus à sua bonitate, statuit has, & illas
creaturas producere iisque participatio-
nem aliquam sui esse conferre, & simul
illas ad seipsum ut ad ultimum eārum
finem referre, iuxta illud Proverbiorū
16. Vniuersa propter semetipsum opera-
tus est dominus. Confirmatur, nam cum
voluntas diuina sit infinitè perfecta, nul-
lum aliud bonum quām infinitum po-
test esse obiectum adæquatum, & prima-
rium à quo illius actus specificetur; qua-
re sola bonitas diuina potest esse prima-
rium motuum quo Deus se & alia dili-
git, neque in bonitate creaturarum, ut
pote essentialiter finita, ultimata siste-
potest.

Nota 1. et si Deus omnia velit propter suam bonitatem, inde male colligi, non esse in eo iustitiam, misericordiam, aliasue virtutes, praeter charitatem: quia ut eiustmodi virtutes sint in Deo, sufficit quod operetur ex speciali earum honestate; quanquam illud totum ultimatè in suam bonitatem referat.

Nota 2. quod dici solet, amorem amicitiae tendere ad amicum propter ipsum, dupliciter posse intelligi: nam si sensus sit, amorem amicitiae terminari ultimata ad amicum, sic falsum est; si vero aliquem amari propter ipsum significet tantum, eum amari ut ipsi bene sit, sic Deus amat hominem propter ipsum, et si ad hoc non moueatur à bonitate hominis, sed à sua propria bonitate diuina; ad quam ipsem homo, totumque bonum quod possidet ultimatè refertur.

CONCLUSIO VI. Voluntas Dei et si realiter unica sit & simplicissima, dividitur in voluntatem signi & beneplaciti, antecedentem & consequentem, conditionatam & absolutam, efficacem & inefficacem.) Per voluntatem beneplaciti intelligitur quædam voluntas verè & formaliter in Deo existens, qua complacet sibi in re volita; at per voluntatem signi intelliguntur signa

G 2

quædam externæ diuinæ voluntatis hoc
versu comprehensa.

*Præcipit aut prohibet, permittit, con-
sulit, implet.*

Licer autem non semper in Deo re-
paratur affectus interior, qui iuxta con-
ceptum nostrum prædictis signis res-
pondeat, ea tamen absolutè significans
affectum aliquem, seu voluntatem verè
in Deo existentem: aliàs falsa essent si-
gnata, qualia à Deo usurpari non possunt.

Voluntas antecedens est qua Deus
vult aliquid secundum se, & sine cir-
cumstantiis spectatum, qua ratione vult
salutem omnium hominum: consequens
verò, qua Deus vult aliquid conspectis
omnibus circumstantiis, qua ratione vult
aliquos damnari, quia nempe sunt ma-
li: sicut iudex qui vult antecedenter ut
omnes homines, viuant, vult conseq-
uerter ut homicida intereat.

Eadem voluntas beneplaciti, adhuc
diuidi potest in conditionatam & abso-
lutam, quæ diuisio cum præcedenti co-
incidit; nam cum voluntas antecedens
ea sit, qua Deus vult omnium salutem
esse conditionatam, conditione se tenen-
te ex parte obiecti, non actus: ut cùm
verè & sincerè optamus dare mercedem
agricolæ, si in via laborauerit: volun-

tas autem absoluta ea dici potest, qua
deus vult aliquid spectatis omnibus cir-
constantiiis, vnde eadem est ac conse-
quens.

Vbi nota voluntatem hanc generale
qua deus vult omnes saluari, includere
istam conditionem, si per ipsos non sit,
non vero istam, nisi per hoc impedi-
tur pulchritudo vniuersi, ut putant ali-
qui Thomistæ: sic enim Deus non ha-
beret verum effectum saluandi omnes
homines, contra aperta Scripturæ & san-
ctorum Patrum testimonia, siquidem ex
seipso & eorum peccatis minimè prouo-
catus, vellet voluntate consequente eos
damnare, ne, si saluarentur, pulchritudo
vniuersi impediatur.

Tandem voluntas Dei diuiditur in
efficacem & inefficacem, efficax dicitur
quæ habet effectum, & inefficax quæ co-
caret. Cæterum voluntas signi non est
semper efficax, cum non semper fiat
quod deus præcipit aut consulit. Volun-
tas autem beneplaciti antecedens, qua deus
vult omnes saluari, et si absolute non sit
efficax, cum effectu careat; dicitur tamē
efficax secundum se, seu conditionatè,
quatenus vi illius reprobi salutem effi-
cacerit consequentur, nisi illius effica-
ciæ impedimentum apponenter: conse-

quens verò sed absoluta dei voluntas
semper est efficax, ita ut infallibiliter e-
ueniat, quidquid Deus ea voluntate vult:
voluntati enim eius quis resistet? Rom.
9. Cuius ratio sumitur ex omnipoten-
tia virtutis diuinæ, quæ à nulla creatura
impediri potest, unde si homo non facit
quod Deus vult voluntate antecedente,
Deus facit in illo, & de illo quod vult
voluntate consequente; ex illius pecca-
tis efficaciter colligendo gloriam suam.

SECTIO II.

De libertate voluntatis diuinæ.

CONCLVSIΟ I.

IN Deo Ponenda est libertas, eaque co-
sistens non in indifferentia iudicij sed
in indifferentia ipsius voluntatis poten-
tis eligere hoc aut illud.) Prima pars
est certa ex Scriptura quæ multipliciter
denotat in Deo esse libertatem, ut cum
ait neum facere quicquid vult, dividere
singulis prout vult, saluare quos vult,
&c. Ratione etiam ostenditur, quia po-
nenda est in Deo omnis perfectio sim-

pliciter simplex, qualis est libertas, utpote quæ melior est ipsa quam non ipsa, nec maiori repugnat perfectioni. Confirmatur nam omnes creaturarum perfectiones ponendæ sunt in deo, detraheatis imperfectionibus, at libertas magna est perfectio in Angelis & hominibus, quare potiori titulo in deo constitui debet.

Secunda pars ostenditur, tum quia omnia Scripturæ & SS. Patrum testimonia, quibus probari solet deum esse agens liberum, libertatem illius explicant, non per iudicij indifferentiam, sed per indifferentiam ipsius voluntatis potentis velle & non velle, agere & non agere; tam quia illud non potest sufficere ad libertatem dei, quod ne ad nostram quidem sufficit: at quis dicat hominem eo ipso esse liberum, quo iudicat obiectum aliquod esse ex se indifferentem, seu posse eligi & non eligi, et si non habeat voluntatem indifferentem ad illud eligendum vel non eligendum, sed necessario illud amplecti debeat, aut necessario respueret?

Certè si hoc ita se habet, falluntur omnes Philosophi qui uno ore fatentur, et si radix libertatis sit in intellectu, ipsam tamen libertatem formalem considerare in voluntatis indifferentia ad utrum-

libet. Falluntur omnes Controversistæ, qui docent, hæreticos huius temporis destruere libertatem, cùm ipsi non adeò stulti sint, ut negent prædictam iudicij indifferentiam; satis enim experiuntur se non habere iudicium diætans quicquid faciunt esse necessario faciendum, & alioqui ingenuè farentur se videre meliora, probareque & deteriora sequi. Falluntur denique Scholaftici quatenus communiter affirmant, vel supponunt ut certum, voluntatem creatam posse à deo necessitari ad agendum, etiam supposita iudicij indifferentia; & sanè quæ ratio afferti potest, cur deus qui est infinitæ virtutis, non possit me adigere ad concipiendam necessario, & sine libertate volitionem dandi eleemosynam, etsi intellectus mihi repræsenter rationes prævraque parte contradictionis, nec dicet eleemosynā esse hic & nunc necessario erogandam? Vide plura hac de re in suavi Concordia disp. 2. sect. 3. n. 2.

CONCLUSIO II. Deus à sua scientia non determinatur quoad exercitium, ut hoc vel illud velit aut non velit, sed manente eadem scientia necessaria ad aliquid agéndū, potest illud nō agere.) Est cōmunis contra recentiores Thomistas, qui in nobis constituant iu-

dicium practicum quo posito necesse
sit nos operari, & idem dicunt de Deo;
sed contrà, male in nobis ponitur iudi-
cium prædictum, ergo multo magis Deo
denegandū est, sequela patet quia Deus
multò magis est independens à re volita
quām homo, huic autem independentiæ
valde repugnaret iudicium illud, si esset
in Deo: omnino mihi expedit ut mun-
dum producam, vel ut Petrum prædesti-
nem, &c. quia sic creaturæ viderentur
Deo aliquo modo necessariæ. Antece-
dens ostenditur, primò quia S. Thomas
q. 64. de veritate art. 2. ponit in brutis
quādam actionum indifferentiam, quām
docet non sufficere ad libertatem, eo
quod bruta mouentur per iudicium de-
terminatum ad unum: Et ibidem nostrā
libertatē ita defendit, ut nō modo velit,
liberū esse voluntati respuere, quod ipsa
proponitur ab intellectu, sed etiam quod
illa possit iudicium flectere quō volue-
rit, ut sic eligat quod magis arriserit:
tantum abest ut putet, ad liberam voli-
tionem requiri iudicium ad unum deter-
minatum, & ab ipsa voluntate indepen-
dens.

Secundò prædictum iudicium tollit
usum libertatis, ergo reificendum est,
probatur antecedens, nam ex communi

G §

sententia necessitas antecedens tollit
vsum libertatis, & sola consequens cum
eo cohæret: ar si daretur iudicium illud
practicū independens à voluntate, ex eo
sequeretur necessitas agendi antecedēs;
siquidem talis est necessitas quæ oritur
ex suppositione antecedente, seu quam
ponere aut tollere non pendet à nostra
libertate.

Tertiò denique quod voluntas possit
velle aliquid, et si intellectus pensatis
omnibus non iudicet id esse absolute
amplectendum, talemqæ volitionem nō
imperet, patet, tum quia si occurruit duo
media omnino æqualia, poterit voluntas
vnum eligere, relicto alio; tum quia
etiam quando media sunt inæqualia,
potest eligi quod minus vtile iudicatur:
tum quia sæpe voluntas elitit id, quod
intellectus hīc & nunc omnibus pensa-
tis, absolute iudicat esse fugiendum.

Nota non opus esse, quoties voluntas
peccat, intellectum errare iudicando,
hīc & nunc absolute melius esse pecca-
re, quam non peccare: sic enim nemo
peccaret, quin esset hæreticus: aliunde
tamen peccatorem errare, quatenus non
sufficienter considerat quæ à malo opere
possent illum auocare, & de hoc errore
posse intelligi verba illa Proverb. 14.

Errant qui operantur malum, nisi ea mai-
lis de errore morum intelligere.

C O N C L V S I O III. Deus seip-
sum amar necessario, item creaturas pos-
sibles, existentes verò liberè, & tamen
immutabiliter.) Prima pars probatur,
tum de amore quoad specificationē, quia
aliquid amare necessariò quoad specifi-
cationē est non posse circa ré illā exer-
cere actū odij. At deus non potest circa
seipsū exercere actū odij, cum nullā in
se rationē mali depræhendere possit, sed
potius summam bonitatem; tum de a-
more quoad exercitium, nam cum deus
se perfectissimè comprehendat, neque ab
actuali sui cognitione abstinere possit,
videatque se esse infinite amabilem, &
nihil depræhendat propter quod non
semper actu ametur, consequens est eum
se necessario amare quoad exercitium.

Dices, nonne potest deus cessatio-
nem ab actuali sui amore, interdum
apprehendere ut bonam, verbi causa,
ad experiendam suam libertatem? Res-
pondeo negative, tum quia ea cessa-
tione posita, sequeretur eum mutari:
tum quia deus non esset perfecte bea-
tus, eo quod ad perfectam beatitudi-
nem requiritur actualis amor summi
boni.

Secunda pars ostenditur de utroque amore: de priori quidem, quia creaturæ possibiles cum ut sic, habeant aliquam bonitatem, neque ullam includant rationem mali, non possunt odio haberi; quare Deus illas amat necessario, quoad specificationem. De posteriori vero, quia cum res sint possibiles; antequam Deus statuat eas creare, amor quo eas diligit, antecedit quodcumque decretum illius liberum, adeoque est necessarium quoad exercitium, nec potest non esse in Deo: siquidem in eo statu res possibiles habent aliqualem entitatem, secundum quam terminant cognitionem Dei; & consequenter aliqualem bonitatem, secundum quam terminant simplicem affectum diuinæ voluntatis, qui proinde non potest non esse necessarius.

Confirmatur, nam Deus necessariò intelligit creaturas possibiles, ergo & necessariò easdem diligir. Sequela patet, quia sicut Deus non potest seipsum comprehensiùe cognoscere nisi simul cognoscat omnia possibilia; ita nequit seipsum comprehensiùe amare, id est, secundum totam latitudinem suę amabilitatis, quin etiam res omnes possibiles diligat, affectu aliquo complacentiæ. Sicut enim non potes comprehendere

ārtem alicuius, nisi ipsum artefactum cognoscas; ita fieri nequit, vt artem illam perfectè diligas, quin simul tibi aliquo modo placeat opus, quod scis ab ea prodire posse.

Dices, si Deus necessariò amaret res possibles, sequeretur eum determinari ab illis, quod absurdum est. Respondeo negando id sequi, sicut enim Deus à sua veritate determinatur, ad cognoscendas res possibles; ita à sua bonitate determinatur, ad eas diligendas.

Tertia pars suadetur, quia Deum amare creature existentes, hoc est eum efficaciter velle ut existant, & vi talis volitionis eas in tempore producere: at Deus res non producit ad extra necessario, sed liberimè, ergo liberè amat creature existentes, seu quoad actualem earum existentiam: minor est de fide, & probatur breuiter contra Vuiclessum, quia si Deus ageret ad extra ex necessitate naturæ, nullum actum liberum posset exercere, cum liber non sit circa se ipsum, aut circa creature possibles, adeoque non esset agens liberum, contra superius dicta: & rursus nulla ab eo esset creata causa libera, quia nullum esse potest agens liberum per participationem, si non sit agens liberum per essentiam,

158 TRACTATUS
à quo talis perfectio participetur.

Vltima pars ostenditur, i. ex Scriptura, Proverb. 19. Multæ cogitationes in corde viri, voluntas autem Domini permanebit. Et Hebr, 6. volens Deus ostendere immobilitatem consilij sui 2. ex August. 12. Confess. cap. 15. ubi ait, Deum non velle modo hoc, modo illud: sed semel, & simul, & semper velle omnia quæ vult, non iterum, & iterum; neque nunc ista, nunc illa: neque velle postea quod nolebat, aut nolle quod prius volebat: quia talis voluntas mutabilis est, & omne mutabile æternum non est, Deus autem noster æternus est 3. ratione, nam voluntas Dei libera spectari potest, vel secundum entitatem suam, vel secundum terminationem ad tale obiectum: at neutro modo mutari potest, non primò, cùm sic idem sit ac substantia Dei; nec secundo, tum quia voluntas inconstans indicat naturam realiter mutabilem; tum quia voluntatis leuitas dicit saltem quandam mutationem moralem, à summa Dei perfectione alienam.

Dices, eum non esse inconstantem, qui orationem aliquam magni momenti, sententiam mutat. Respondeo hoc verum esse, quando talis ratio non fuit præui-

fa, aut non satis penetrata, quod in Deo
locum non habet. Quod autem dixit
Deus Genes. 6. Pœnitet me fecisse ho-
minem, intelligi debet quoad effe-
ctum, non quoad affectum: quia Deus
deleuit hominem quem creauerat, ac si
verè doluisse eum creasse.

C O N C L V S I O . IV. Libera vo-
litio Dei non est denominatio extrinse-
ca, aut respectus rationis, neque perfe-
ctio realiter distincta ab essentia diuina
sed ipsamet voluntio necessaria qua Deus
amat seipsum, quatenus ita terminatur
ad creaturas, ut posset ad eas non ter-
minari.) Prima pars probatur, nam li-
bera voluntio est aliquid Deo intrinsecum,
cum sit actus vitalis & immanens, ergo
non potest consistere in denominatione
extrinseca, orta à productione crea-
tarum, quatenus ita producuntur ut po-
tuerint non produci. Confirmatur, quia
priùs est quod Deus velit creaturas libe-
rè, quam quod eas producat; cum ideo
illas producat, quia vult eas liberè, &
non vice versa: ipsaque voluntio libera
sit æterna, & productio tempora-
lis.

Secunda pars ostenditur, nam Deus à
parte rei liberè vult, idque ab æterno,
ad cōque ante operationem intellectus

singentis respectus rationis , ergo voli-
tio Dei libera non potest siue totaliter,
siue partialiter constitui per tales respe-
ctus: præsertim quia sunt Deo extrinse-
ci, & supponunt res producendas , ac
proinde quod Deus liberè velit eas
producere.

Tertia pars suadetur, quia si actus li-
ber est aliquid distinctum realiter ab es-
sentia diuina , sequitur Deum esse cō-
positum , habere potentialitatem , non
esse summè perfectum, quæ & similia ad-
mitti non possunt ; neque putes ista in-
commoda vitari , si quis dicat cum Ca-
jetano, actum liberum ita addere perfe-
ctionem realem diuinæ essentiæ, ut cum
ea perfectè identificetur , eò ipso quod
illi aduenit ; siquidem intelligi nequit,
ens aliquod possibile & contingens per-
fectè identificari cum diuina essentia,
quæ est ens absoluta necessitate exi-
stens.

Quarta denique pars ex dictis colli-
gitur , nam volitio libera Dei, vel est
totaliter in Deo, vel constituitur & com-
pletur per aliquid extrinsecum; hoc po-
sterius rejectum est, ergo prius illud af-
firmari debet Rursus si volitio libera est
totaliter in Deo, vel ea addit realitatem
aliquam supra volitionem necessariam,

vel non, primum aperte falsum est, ut ostendimus, ergo secundum admitti debet: quare cum volitio necessaria, ut sic, nullam dicat libertatem, consequens est liberam volitionem Dei esse ipsammet volitionem necessariam, quatenus ea est indifferens ut terminetur, aut non terminetur ad creaturas.

Confirmatur 1. nam volitio Dei est simpliciter infinita, ita ut æquiualeat infinitis volitionibus, & nolitionibus realiter distinctis: quare ut sit libera volitio, aut nolitio alicuius obiecti, non requiritur additio nouæ entitatis, sed tantum eiusdem volitionis libera terminatio ad tale obiectum. Quemadmodum ut scientia Dei necessaria, sit scientia libera creaturarum, sufficit quod ad eas liberè terminetur, cum posset non terminari.

Confirmatur 2. nam libertas Dei non est potentialis, sed summè actualis, seu per modum actus purissimi, excludentis potentiam physicam tam actiuam, quam passiuam, quæ in nostra libertate reperitur. Vnde indifferentia diuinæ libertatis non est in ordine ad actus internos, sicut nostra, sed in ordine ad obiecta externa. Itaque sicut voluntas nostra per seipsum immediate, adeoque si-

ne reali mutatione se determinat ad agendum, cùm posset non agere; ita nihil vetat quin diuina entitas per seipsum, & sineulla realitate superaddita, possit terminari ad hoc vel illud obiectum, & induere rationem volitionis liberæ. Et quemadmodum si voluntas nostra esset ens necessarium, id non impediret quo minus actus ab ea elicitus libere fieret, si cùm tali necessitate, conservaret indifferentiam quam habet ad agendum, vel non agendum. Ita quare uis volitio Dei sit necessaria quoad entitatem, cùm tamen ea sit indifferens, ut seipsam terminet, aut non terminet ad creaturas, hinc sit ut quatenus se libere terminat ad hanc, vel illam, dicatur volitio libera.

Dices forma non potest esse in subiecto, quin illi conferat totum suum effectum formalem, ergo cùm volitio necessaria sit veluti forma quædam existens in Deo, tribuet illi velle necessariò omnia volibilia. Respondeo effectum formalem volitionis diuinæ esse necessario facere ut Deus amet omnia volibilia, non tamen, ut Deus ea omnia amet necessario, sed singula, pro cuiusque exigentia, & capacitate.

SECTIO III.

Quomodo Dei voluntas non habeat causam & sit rerum Causa, nec voluntati humana necessitatem afferat.

CONCLUSIO I.

Voluntas Dei est causa rerum.) In hoc non est difficultas, præsertim iis suppositis quæ de libertate Dei capite præcedenti dicta sunt. Dubitatur autem 1. Num intellectus diuinus propinquius, seu immediatus concurrat quam voluntas:qua in re dicendum videtur, utrumque in suo genere immediate operari: voluntatem quidem quoad applicationem & exercitium, intellectum verò quoad directionem, & veluti specificationem.

Secundò dubitatur, an sit in Deo potentia quedam executiva, ratione distingua ab intellectu & voluntate & quidnam illa sit. Respondeo 1. talem potentiam admittendam esse, siquidem non ideo Deus est omnipotens, quia cognoscit, aut quia vult omnia; quia potius omnia cognoscit, quia est omnipotens, omniaque

eminenter continentur in illius omnipotentia, neque potest velle aliquid nisi quia est omnipotens ad illud facendum; quare secundum rationem est prior Dei omnipotentia, quam intellectus, aut voluntas illius.

Respondeo 2. potentiam exequentem in deo esse ipsammet essentiā diuinam: quia sicut illa eminenter continet omnia possibilia, ita est omnipotens ad producendum quicquid voluerit; si accedat scientia ut dirigenſ, & voluntas ut eligens & applicans.

Tertiō dubitatur qualis sit potentia dei, & ad quæ se extendat. Respondeo 1. ex S. noct. 1. p. q. 25 art. 2. potentiam dei esse infinitam, ut patet, tum ex illo Lucæ 1. Quia non erit impossibile apud deum, omne verbum; tum quia nullus possibilis est effectus adeò perfectus, qui per illam produci non possit. Hinc autē patet in deo veram esse omnipotentiam, quæ in eo consistit, ut possit deus facere quicquid absolute fieri potest, seu quicquid nō implicat contradictionem, ut colligitur ex art. 3.

Respondeo 2, ex art. 4. deum potuisse multa facere quæ nō fecit, & ex art. 5. potuisse etiam producere species nobiliores iis, quas de facto produxit, item-

que res productas potuisse meliores facere quoad accidentia , non essentialiter, eo quod essentiæ rerum sunt immutabiles ; non tamen posse deum aliquid facere melius vniōne hypostatica, beatitudine sanctorum , & maternitate Virginis deipararæ , vt habes articulo 6. in responsione ad 4. quia nempe illa sumunt dignitatem quandam infinitam, ex speciali ordine quem ad deum habent.

C O N C L V S I O II. Nulla potest dari causa propria diuinæ volitionis siue efficiens , siue finalis ; potest tamen dari impropria seu virtualis , immo una res creata potest ipsi esse aliquo modo proxima ratio volendi aliam.) Prima pars est S. Thomæ q. 19. art. 5. vbi ex eo probat nullam esse causam diuinæ voluntatis , quia idem nequit esse causa sui ipsius; at Deus unico actu vult finem & media, quare velle finem non est ei causa volendi media.

Accedit quod volitio diuina non distinguitur à parte rei à natura diuina, cuius nulla assignari potest causa efficiens aut finalis propriæ dicta cum Deus sit ens à se; & à quocunque alio independens.

Secunda pars suadetur , quia sicut

vnum attributum est causa virtualis alterius, puritas immutabilitatis, hæc æternitatis; ita non repugnat concipere in deo voluntatem, veluti radicem volitionis actualis, & causam virtualem illius: & similiter quia Deus vult omnes creatureas propter seipsum, dici potest volitionem sui, iuxta nostrum conceptum, esse finem volitionis creaturem.

Tertia denique suadetur, nam vix negari potest, quin Deus aliqua re creata proximè moueat ad volendum aliquid: cùm ex Scriptura & patribus aper te constet, deum homines amare, ab illis amatur, illis varia conferre beneficia, quia illa postulant, aut merentur; eos iustificare, quia ad gratiam se disponunt, &c. Neque enim aliquo fundamento dici potest, eiusmodi locutiones causales toties repetitas, improprie & metapho rice intelligendas esse, ita ut non contineant rationem ex parte obiecti creati, propter quam Deus hoc, aut illud velit. Præsertim quia in eo agendi modo nulla assignari potest imperfectio, quæ supremam dei independentiam & dignitatem dedebeat: eo quod etsi proxime vnu velit propter aliud, omnia tamen finaliter reducit ad seipsum, & ad suam beatitudinem: cuius maxime gratia operatur.

C O N C L V S I O III. Deus non necessitat voluntatem nostram ad agendum.) Est de fide contra huius temporis haereticos , qui oppositum docent, adeoque existimant nos non agere liberè : probari autem breuiter potest ex iis quæ Scriptura sacra , Patres antiqui, & Theologi communiter de libertate tradunt, ea enim aperiè ostendunt deum non imponere hominibus agendi necessitatem, sed eos relinquere in manu consilij sui, id est; cum perfecta indifferenta ad agendum vel non agendum, itemque ad agendum hoc vel illud.

Idem sumitur ex vulgari definitione libertatis, ab omnibus communiter approbata , qua illud liberum dicitur, quod positis omnibus ad agendum prærequisitis, potest agere, vel non agere; nam inter prærequisita ad agendum, requiritur maximè concursus Dei in actu primo paratus , cum sine illo causa secunda non possit dici completem & proximè potens ad agendum: vnde eo concursu sic ablato , adhuc voluntas quæ libera est, & liberè operatur , manet indifferens ad utrumlibet , neque habet necessitatem eligendi unam partem determinatè.

Denique Concilium Trident. volens iuxta mentem Scripturæ sacræ , & san-

ctorum Patrum, libertatem nostram defendere in actibus supernaturalibus, in quibus specialis difficultas reperitur, propter influxum gratiæ efficacis ad eos requisitæ, quæ agendi necessitatem inducere videtur, sapienter statuit sess. 6.
 cap. 5. & can. 4. hominem à Deo morum & excitatum posse gratiam abiicere, ei- que dissentire si velit; quare post adeò claram huius Concilij definitionem, dici non potest à viro Catholico, de rebus fidei bene (ut par est) sentiente, gratiam diuinam nobis imponere necessitatem, agendi, aut quod in idem redit, voluntatem nostram non posse eam abiicere, seu illi dissentire, Adhuc tamen grauis controuersia manet inter recen- tiores Theologos, de vero sensu prædictæ definitionis, cùm alij contendant eam debere intelligi in sensu composi- tori, alij dūtaxat in sensu diuiso, qua de refusè in suavi Cōcordia disput. 2. sect. 4.

C O N C L V S I O IV. Absolutè loquendo & nulla suppositione facta, nullus esset in rebus effectus contingens seu liber, si Deus ageret ex necessitate naturæ, ex supradictis: essent tamen ef- fectus contingentes & liberi, si suppo- nas dari causas contingentes, Deumque ex necessitate naturæ iis offerre eundem concursum

concursum, quem nunc de facto illis liberè exhibet.) Ratio est euidens, quia posito tali concursu in actu primo, voluntas non necessitaretur ad unum, sed maneret indifferens ad utrumlibet, ergo ageret liberè. Confirmatur, nam Deus supposito æterno decreto nobiscum concurrendi, non potest nobis eiusmodi concursum denegare, quin potius non minus necesse est ut nobis illum exhibeat; quam si ageret ex necessitate naturæ, & tamen liberè operamur: ergo quamvis Deus necessario ad actus nostros influeret, quantum esset ex parte sua, illa necessitas libertatis usum in nobis nequaquam impediret.

Neque hinc sequitur, quod vera radix contingentiae actuum nostrorum non sit voluntas dei, sed nostra: quia etsi quod actus nostri sint liberi & contingentes, hoc proximè habeant à nostra voluntate, quatenus hæc antequam ageret, potuit non agere, id tamen ultimè petendum est à summa efficacia voluntatis dei, qui ut ait S. Doct, suprà, volens quædam fieri necessario, quædam contingenter ut sit ordo in rebus, ad complemētum universi, quibusdam effectibus aptauit causas necessarias, aliis contingentes & defectibiles.

de Deo.

H

SECTIO IV.

De Diuina voluntatis affectibus amicitia iustitia, misericordia.

CONCLUSIO I.

IN Deo sunt quidam affectus voluntatis, non alij.) In primis quod amor sit in Deo probat S. Thòmas i. p. qu. 20. art. 1. quia primus motus voluntatis, & cuiuslibet appetitiæ virtutis est amor; siquidem priores sunt actus respicientes bonum quam malum, cum hoc non sit obiectum nisi secundarium, & per aliud, semper ut opponitur bono. Rursus cum illud sit naturaliter prius, quod est communius, inter actus qui in bonum feruntur prior erit amor quam alij; cum ille respiciat bonum in communi, reliqui vero in bonum ferantur sub aliqua speciali ratione cum ergo voluntas sit in Deo. ut superius vñsum est sequitur etiam in eo amorem esse pondendum.

Secundò, desiderium quatenus fertur in bonum proprium nondum obtentum,

non est in Deo, ut indicat S. Thomas ad 2. quia scilicet Deus nullo bono sibi proprio carere potest; est tamen in Deo desiderium respectu boni alieni quatenus verè nobis & sincerè optat beatitudinem, quam nondum possidemus.

Deinde gaudium, seu delectatio, propriè est in Deo, ut tradit S. Thomas ibidem, & ratio est manifesta, nam gaudiū est actus quo voluntas conquietur in fruitione, seu possessione rei amaræ; at Deus in seipso perfectissimè quiescit, ergo in eo est gaudium respectu boni proprij. Imò cùm Deus verè creaturem amet, consequenter de bono illarū gaudet, quando præsens est; sicut illud desiderat, quandiu obtentum non est.

Rursus in Deo est odium, ut perspicuum est ex verbis illis Sapientiæ 14. Odio sunt Deo impius & impietas eius, & ex illis Psal. 5. Odisti omnes qui operantur iniquitatem. Ratio autem est, quia cùm Deus seipsū summopere diligit non potest nō odiisse peccatum, quod ipsius maiestati & bonitati aduersatur, eique valde est iniuriosum. Hinc Deus peccatorum odit, non ut hominem, sed ut peccatorem; nec odio inimicitiae proprie dicto, sed abominationis, ut vocant.

Nec refert quòd Deus peccatori pœ-

nūm infligat, non enim ex odio eam illi infligit, sed potius ex sincero affectu quo correctionem & salutem illius optat. Quemadmodum Pater non ex odio vel displicentia personæ, sed ex amore persecutus filium suum virga: ut nempe deinceps à peccato abstineat.

Præterea in Deo non est spes, cùm omnia bona perfectè possideat; nec desperatio, cùm nihil sit ipsi difficile, nedum impossibile; nec tristitia, cùm hæc versetur circa malū præsens & inuolūtar iū Deus autem nō sit capax ullius mali siue voluntarij, siue inuoluntarij, siue præsētis, siue futuri, nec audacia, cùm hæc aggrediatur opera ardua & periculosa, qualia nulla sūt respectu Dei, qui cū infinitæ sit potētia, quicquid aggreditur summa facilitate, & sine ullo periculo frustrationis ad optatū exitū perducit.

Tandem ira non est in Deo proprie, sed tantum metaphorice, ut sumitur ex Thoma in eadem responsione ad 2. & patet, quia ex communiori sententia, ira essentialiter supponit dolorem, siue tristiam cuius vicem rependat; Deus autem non est capax tristitiae ex iam dictis, ergo neque itæ proprie dictæ.

CONCL VSI O II. Deus creaturas rationales diligit vero amore ami-

amicitiae.) Hoc patet primo ex iis locis Scripturæ, ex quibus constat homines iustos esse Dei amicos, ut cum Psal. 138. dicitur, *Nimis honorati sunt amici tui deus, &c.* & Ioan 15. *Iam non dicam vos seruos, vos autem dixi amicos:* Item ex Conc. Trident. sess. 6. cap. 6. ubi statuitur hominem per iustificationem fieri ex inimico amicum, porro amicus est amici amicus, neque potest amicitia constare nisi inter duos se mutuo redamantes: quare cum homo iustus sit Dei amicus, necesse est ut vicissim deus sit hominis iusti amicus, seu quod illum ex vera atque sincera amicitia diligit.

Confirmatur, nam cum deus hominem iustum ex vera benevolentia amet, optando ei verum & solidum bonum, ut ipsi bene sit; & aliunde homo per gratiam eleuetur ad statum supernaturalem, in quo sit quodammodo diuinæ consors naturæ & acquirit ius ad beatitudinem, potestque Deum ex vera charitate diligere, nihil vetat quominus vera amicitia inter Deum & hominem reperiri valcat.

Neque refert quod ex Philosopho 8. Ethic. 5. amicitia non sit nisi inter æquales, non enim opus est ut hoc intelligatur de æqualitate arithmeticæ, sed tantum

de geometrica, seu proportionis, qualis inter Deum & hominem iustum, per gratiam ad filiationem Dei eleuatum quodammodo reperitur. Præsertim cùm ille eodem lib. Ethic. cap. 7. agnoscat speciem quandam amicitiæ inter superiores & inferiores, quam vocat supereminentiæ, qualem esse ait inter regem & subditum, inter Deum & hominem.

Nota 1. Deum non amare creaturas irrationales amore amicitiæ, aut benevolentiæ, tum quia illud non potest terminare amorem amicitiæ, quod nequit redamare illum à quo diligitur, at irrationalia nequeunt redamare Deum: tum quia inter amicos debet esse communicatio mutua bonorum, & voluntatum consensio, quæ & similia nequeunt habere locum in irrationabilibus, ut perspicuum est: quare cum nos ea non amemus ex amicitia; multò minùs dici potest, quod Deus illa modo diligit.

Nota 2. non incongrue dici posse, Deum amare creaturas irrationales amore concupiscentiæ, tum quia illæ conducunt ad manifestationem attributorum diuinorum: tum quia Deus, licet non sibi; hominibus tamen eas concupiscit tanquam amicis, in quorum vi-

litatem productæ sunt.

C O N C L V S I O III. Deus magis diligit meliora.) Ita S. Thomas I. p. q. 20. art. 4 quod probat, quia deum magis diligere aliquid nihil aliud est quam ei maius bonum velle; sicque eatenus aliqua sunt meliora, quatenus eis Deus maius bonum vult: vnde sequitur quod meliora plus diligit.

Notandum autem primò Deum magis Christū ut hominem diligere, quam totam vniuersitatem creaturarum, ut habetur in response ad i. quia vult illi maius bonum, nempe ut idem qui est homo, sit Deus, per unitatem personæ Verbi, quæ est essentialiter infinite perfecta.

Notandum 2. si sit comparatio inter alios omnes homines, & omnes Angelos, et si quoad naturalia bona Angeli à deo magis amati fuerint quam homines, aliunde tamen collectionem hominum magis esse dilectam, tum propter dignitatem quæ ex Verbi Incarnatione in totum genus humanum redundat, tum quia maiorem dilectionem erga homines Deus ostendit, quam erga Angelos, eo ipso quod illos per Verbi Incarnationem redimere voluerit, non istos.

An autem maior gratia, & gloria

fuerit collata toti collectioni hominū, quam omnibus simul Angelis, adeoque etiam ex eo capite homines magis dilecti fuerint, satis probabiliter determinari non posse existimo; cūm non constet quantus sit Angelorum numerus, quantam gratiam acceperint in instanti creationis, quandiu, & per quales actus meruerint, &c.

Notandum rursus circa respondonem ad 3. esse præsumptuosum iudicare, an Deus magis Petrum quam Ioannem amauerit; quod puto debere intelligi cū aliqua modificatione, si quis nimis unius parti tanquam certæ firmiter adhaerat, & aliam ut omnino improbabilem aut falsam respuat: hoc enim præumptionem quandam & temeritatem præ se fert, cūm ex sacris litteris vel aliunde non satis constet, quis prædictorum fuerit sanctior, Deoque charior; & pro utraque parte afferri possint variæ conjecturæ non spernendæ, quæ reū valde dubiam relinquunt.

Notandum præterea circa respondonem ad 4. si fiat comparatio inter innocentem & penitentem, cum 1. magis à Deo diligenter, qui plus habet gratiarum & gloriæ, siue sit innocens, siue sit penitens, 2. si cætera sint paria, innocentem

magis diligi quam pœnitentem: si quidem illud bonum cœteris paribus est dignius & amabilius, quod nullum supponit malum, quodque iniuctam & nunquam interruptam perseverantiam in bono continet; quam id quod præcedentis sanctitatis iacturā, & peccatum quod destetur necessario supponit; at innocentia est bonum prioris generis, pœnitentia posterioris.

Notandum denique circa responsionem ad 5. si prædestinatus spectetur 1. pro tempore quo versatur in peccato mortali, sic eum à Deo non diligi, sed potius tanquam peccatorem odio haberi; cum contrà Deus ab æterno diligat reprobum, pro tempore quo gratia sanctificante instructus est. Si 2. pro tempore quo habet gratiam, tam in hac, quam in futura vita, sic à Deo magis diligi quam præscitum, quantumvis iustum: unde etsi Deus secundum quid magis diligat reprobum quam prædestinatum, simpliciter tamen magis hunc quam illum diligit.

C O N C L V S I O IV. In Deo est iustitia proprie & stricte sumpta, prout est specialis virtus ab aliis distincta.) Probatur 1. quia Scriptura frequentissime indicat, Deum ex vera iustitia tri-

H 5

buere gloriam æternam , pro meritis
bonorum operum : vt cum Matth. 20:
proponit parabolam Patris-familias :
conducentis operarios in vineam suam ;
& promittentis sc illis daturum quod
iustum fuerit, ac tandem post opus ex-
pletum reddentis vnicuique mercedem ,
& iubētis vt quisque tollat quod suū est.

Item quando Paulus 2. ad Timoth.
4. ait Reposita mihi est corona iustitiæ,
quam reddet mihi in illa die iustus
iudex ; & Hebr. 6. Non enim iniustus
est Deus, vt obliuiscatur operis vestri:
Nam corona iustitiæ operibus reddenda
plane significat, in collatione beatitu-
dinis exerceri iustitiam proprie dictam ,
ac præterea nisi tale præmium deberetur
ex iustitia, Deus non esset iniustus illud
denegando : siquidem non ageret con-
tra iustitiam proprie dictam, et si ageret
contra fidelitatem.

Probatur 2. ex Patribus qui eidein
sententiæ apertissimè fauent. August.lib.
de natura &c gratia cap. 2. Non enim,in-
quit, iniustus Deus, qui iustos fraudet
mercede iustitiæ, & serm. 16. de verbis
Apostoli, Teneimus Deum debitorem ,
debitor enim factus est, non aliquid à
nobis accipiendo, sed quod ei placuit
promittendo; & subdit , nos posse deo

dicere, reddere quod promisisti; quia fecimus quod iussisti. Bernardus tract. de gratia & lib. arb. ait. Paulum 2. ad Tim. 1. Dei promissum appellare suum depositum, & addit promissum quidem ex misericordia, sed iam ex iustitia persolueendum. Similia habent alij passim.

Probatur 3. quia iustitia strictè sumpta est virtus reddens vnicuique quod suum est, seu id ad quod habet ius propriè dictum, sed homines supposita Dei promissione, per bona opera acquirunt ius ad gloriam æternam, eamque ut sic respiciunt, tanquam rem suam, & sibi debitam, ut patet ex iam dictis; ergo virtus qua Deus tribuit gloriam propter bona opera, est iustitia propriè dicta, ac proinde hæc in Deo admittenda est.

Nota 1. nullam dicere imperfectionem, quod Deus propria sponte promitterat hominibus præmium sub condizione operis, quodque posito opere teneatur suis stare promissis: hinc enim non sequitur propriè, Deum ipsum ordinari ad creaturas, sed tantum bona ipsius ex iustitia illis debita.

Nota 2. Deum non amittere perfectissimum dominiū quod habet in creaturas, et si supposito pacto dandi illis vitam æternam, non possit eas destruere; si

cur non definit esse perfectissime Domini-
nus Angelorum, et si supposito decreto
quo statuit illos in æternū cōseruare, non
possit illos in nihilū reducere; hinc enim
tantum sequitur, dominium illud quoad
talem usum esse ligatum, qua in re nulla
est imperfectio; cum eiusmodi impedi-
mentum ex micro dei beneplacito, saltē
radicaliter, & remotè oriatur.

Nota 3. et si inter patrem & filium, ut
sic non sit vera iustitia, esse tamen, si pa-
ter filio speciale bonorum dominiū con-
cedere velit. At deus concessit homini
speciale dominium in suos actus, vult-
que ut per illos possit obtainere ius ad
gloriam æternam.

Nota 4. licet deus nequeat propriè
constitui debitor erga homines, id non
impedire, quin bona illius hominibus
debeātur. Ex qua distinctione varia loca
Patrum in specie pugnantia, possunt cō-
ciliari; hincque lumen accipit egregius
ille locus Augustini lib. 1. Confess. 4.
Supererogatur tibi ut debeas, & quis
habet quicquā nō tuum? Reddis debita,
nulli debens, donas debita, nihil perdes.

CONCLVSION. In Deo po-
nenda est misericordia.) Ita S. Thom. 1.
P. q. 21. art. 3. ubi duo docet 1. miseri-
cordiam maximè esse Deo tribuendam,
non quidem secundum passionis af-

fectum, sed secundum effectum : Deus enim non afficitur ex miseria alterius per tristitiam, sed repellit illius defectū, & miseriā iuxta illud Ansel. in Prosol. cap. 10. Misericors es, non quia tu sentis affectum, sed quia nos sentimus effectum, atque hoc sufficit ut misericordia sit in Dōo propriè & formaliter.

Docet 2. defectus non tolli nisi per collationem alicuius perfectionis, conferre aurem rebus perfectionem spectare ad quatuor virtutes, nempe ad bonitatem, iustitiam, liberalitatem, & misericordiam, sed cum aliquo discrimine; nam communicare perfectiones præcisè, pertinet ad bonitatem eò quod bonum est sui diffusium ; eas verò conferre iuxta rerum proportionem, & naturalem exigentiam, spectat ad iustitiam legalem seu gubernatrixem ; quatenus autem Deus nullo modo attendens ad propriam utilitatem, & sine intuitu retributionis perfectiones largitur, hoc pertinet ad liberalitatem ; quatenus denique omnes perfectiones à Dōo rebus collatæ defectum aliquem expellunt, aut impediunt, sic spectat ad misericordiam latè sumptam, prout ad omnes creaturas etiam ratione carentes extenditur: ad eandem verò propriè & strictè

sumptam, ut versatur circa creaturas rationales; & beatitudinis capaces, si perfectio quam tribuit Deus, expellit misericordiam proprie dictam, seu quæ veræ fœlicitati opponitur.

Noea 1. ex art. 4. in quolibet opere Dei misericordiam & veritatem seu iustitiam inueniri: Iustitiam quidem, tum quia Deus non potest aliquid facere, quod non sit conueniens sapientiae, & bonitati ipsius, eatenus sibi ex decentia debitum; tum quia quicquid in rebus creatis facit, secundum conuenientem ordinem & proportionem facit, prout exigit rerum natura & bonum vniuersitatis misericordiam verò, tum quia opus diuinæ iustitiae semper presupponit opus misericordiae, & in eo fundatur creaturae enim non deberur aliquid nisi propter aliud in ea praexistens, quod aut proxime, aut saltem remotè à sola bonitate diuina pendeat; tum quia ea quæ alicui creaturæ debentur, Deus ex abundantia suæ bonitatis largius dispensare solet, quam exigit proportio rei, & iustitia gubernatrix tribuens vnicuique quod ipsius natura exigit. Hæc autem debent intelligi de iustitia, & misericordia latè & impreptè sumptis ut perspicuum est.

Nota 2. ex respons. ad 1. quædam opera tribui misericordiæ, quædam iustitiæ, quia in nonnullis magis appetet misericordia, & in aliis iustitia: unde damnatio reproborum dicitur simpliciter opus iustitiæ, quia iustitia puniunt potiores partes in ea obtinet; in illa tamen appetet misericordia: non quidem totam misericordiam depellens, sed etiam minuens, quatenus reprobi puniuntur contra codignum, id est, minori poena quam per se loquendo, & seclusa ordinatione Dei eorum peccatis sit debita; sicut vice versa prædestinati præmiantur ultra condignum, quatenus potuisset Deus sine iniustitia, minorem gloriam eorum operibus decernere, quam de facto decreuerit,

SECTIO V.

De Prouidentiâ diuina & prædeterminatione Physicâ.

CONCLVSION.

Ponenda est in Deo prouidentia.) Est de fide, ut patet ex Script. Sapient. 6. equaliter cura est illi de omnibus:

Matth. 6. Respice volatilia cœli , &c.
Rationem affert S. Thomas i.p. q. 12.
art. 3. quia prouidentia nihil est aliud
quām ratio ordinis rerum in finem : at
in Deo est talis ratio cūm operetur per
intellectū, adeoque necesse sit omnium
effectuū quos producit rationem in eo
præexistere.

Addit autem S. Doct. prouidentiam
Deo non competere , si sumatur ut est
ratio ordinis proprij actus, quia in Deo
nihil est ordinabile in finem sed tantum
si sumatur ut est ratio ordinaria alio-
rum in finem; Deus enim omnia produ-
cit, & in finem ordinat. Et in responce
ad 2. monet rationem illam ordinis quæ
dicitur prouidentia, esse æternam; dispo-
sitionem verò & executionem illius esse
temporalem , & vocari gubernationem.

Nota 1. prouidentiam non esse con-
stituendam formaliter in solo actu in-
tellectus, sed etiam in actu voluntatis,
cum prouidentia præter rationem ordi-
nis mediorum ad finem se tenentem ex
parte intellectus, dicat curam aliquam
& studium , adeoque voluntatem libe-
ram rerum gerendarum, ut patet ex lo-
cis Scripturæ citatis.

Nota 2. prouidentiam ut spectat ad
intellectum , non debere constitui in

actu imperij, quo decretum voluntatis intimatur ; talis enim actus videtur superfluous, cum posita scientia naturali, qua Deus perfectè nouit per quæ media qualibet res possit in suum finem ordinari, simulque posito decreto efficaci, quo Deus statuit , ut talis res, per tale medium in suum finem dirigatur, necessario sequatus effectus à Deo prauissus. Et quamvis talis actus admittatur, non videtur ratio prouidentiæ in eo posse constitui, cùm per illum prouidentia iam à Deo constituta, intimetur potentia executiua: quare probabilius, meo iudicio, senties si dicas, prouidentiam in suo conceptu formaliter adæquato includere , tam rationem ordinis mediorum ad finem, quam propositum seu decretum liberum diuinæ voluntatis efficaciter intendentis talem finem , & talia media eligentis.

C O N C L V S I O II. In Deo est prouidentia rerū omnium.) Ita S. Doct. qu.cit.art.2. quod probat, quia cum omne agens agat propter finem tantum se extendit ordinatio effectuum in finem, quantum se extendit causalitas primi agentis ; causalitas autem Dei qui est primum agens se extendit usque ad omnia entia , non solum quantum ad

principia speciei, sed etiam quantum ad principia individualia, tam corruptibilem quam incorruptibilem: unde necesse est omnia quae quovis modo habent esse à Deo, ordinata esse in finem, sicut illius subdi prouidentiæ.

Hic autem queri potest 1. an aliquis euentus sit casualis & fortuitus respectu diuinæ prouidentiæ. Respondet S. Thom ad 1. negatiuè quod probat, quia effectus dicitur casualis vel fortuitus; respectu causæ cuius ordinem effugit at quamuis possit aliquis effectus exire ordinem causæ particularis, eo quod hæc potest impediri ab alia causa particulari, non tamen potest effugere ordinem causæ vniuersalis; cum omnes causæ particulares, tam impedientes quam impeditæ, sub vniuersali concludantur, omnes illius concursu ad operandum egeant, & nulla possit impedire ne quod ipsa intendit, aut saturum præuidit eveniat.

Quæritur 2. An mala culpæ, sub diuinam prouidentiam cadant. Respondeo affirmatiuè, nam hæc mala duplicitate considerantur, vel formaliter ut sunt mala & peccata, vel materialiter propter habent entitatem quindam realem, & positionem; utroque modo sub diuinâ pro-

uidentiam cadunt: primò quidem, quia etsi Deus non sit auctor peccatorum, ea tamen permittit, & ordinat in bonum finem, adeoque sunt materia circa quam diuina prouidentia versatur. Secundò etiam, quia etsi Deus non sit causa mouens ad entitatem materialem peccati, ad illam tamen concurrit, quando voluntas creata ad eam se determinat; cùm enim eiusmodi entitas sit aliquid reale & physicum, repugnat quod existat in rerum natura, sine influxu primæ causæ, cuius proinde prouidentia sicut & causalitas ad eam se extendit.

C O N C L V S I O III. Deus immediate rebus omnibus prouidet, quantum ad rationem ordinis, licet non quo ad executionem.) ita S. Thomas i. p. qui 22. art. 3. vbi præmittit ad prouidentiā duo pertinere, nempe rationem ordinis rerum prouisarum in finem, & executionem ordinis, quæ gubernatio dicitur: quo posito docet quantum ad primum horum, Deum immediate omnibus prouidere, quia in suo intellectu habet rationem omnium effectuum & causarum per quas produci debent; quantum verò ad secundum, quædam esse media diuinæ prouidentiæ, quia Deus inferiora gubernat per superiora

non ex defectu virtutis, sed ex abundan-
tia suæ bonitatis, ut scilicet dignitatem
causalitatis etiam creaturis communi-
cet. Quod non ita debet intelligi, vt ip-
se Deus per se non exequatur ordinem
à sua prouidentia in rebus præstitutum,
sed ita vt cum non exequatur nisi cum
causis secundis, simul ad eundem con-
currentibus.

Nota ex art 4 prouidentiam diuinam
quibusdam rebus necessitatem impone-
re, non autem omnibus, quia ad illam
spectat res omnes ordinare in finem,
non modo separatum qui est diuina bo-
nitas, sed etiam in ipsis rebus existen-
tem, qui est perfectio vniuersi; at talis
perfectio non esset, si omnes gradus es-
fendi non inuenirentur in rebus, quare
ad prouidentiam diuinam pertinet, om-
nes gradus entium producere; adeoque
præparare causas necessarias & conti-
gentes, vt ex his effectus necessarij &
contingentes oriantur.

CONCLVSIO IV. Prouidentia di-
uina non semper assequitur finem parti-
cularem ad quem res ordinat.) Hoc pa-
ret tam in prouidentia naturali quam in
supernaturali; nam in primis res natura-
les ordinantur à Deo ad suos fines par-
ticulares sibi proportionatos, à quorum

DE DEO. CAP. V.

tamen consecutione non raro impe-
diuntur, ut pater quando contingunt ef-
fectus monstrosi, & casuales.

Deinde Deus, ex vera & sincera in-
tentione saluandi omnes homines, præ-
parauit illis media sufficientia per quæ
possent saluari si vellent, & tamen om-
nes de facto non saluantur; ergo prouid-
entia non obtinet finem illum particu-
larem ad quem eiusmodi media desti-
nat; idque obseruat sanctus Thom. I.
distinct. 40. quæst. 1. art. 2.

Nota oppositū non colligi ex collec-
ta quæ recitatur Dominica septima
post Pentecost, ubi ita habetur; Deus
cuus prouidentia in sui dispositione
non fallitur; verum enim est, diuinam
prouidentiam nunquam falli, et si non
semper finem particularem obtineat;
tum quia Deus probè scit media quæ
destinat ad tales finem, ex defectu cau-
sæ secundæ effectum non habitura; tum
quia licet aliquid recedere videatur à
diuina prouidentia secundum unum
ordinem, in illam relabitur secundum
alium, ut notat S. Thom. I. p. q. 9.
art. 6.

CONCLUSIO V. Physica præ-
determinatio cum nostræ libertatis usu
nullo modo cohærere potest, adeoque

TRACTATVS

repugnat quod prouidentia diuina hominem physice prædeterminet ad actus liberos.) Probatur 1. quia ex sententia Ansel lib. 2. cur Deus homo, cap. 18. in Scholis receptissima, necessitas antecedens repugnat libertati quoad usum & exercitiū, & sola consequens cum ea cohæret; necessitas autem inducta per physicā prædeterminationē est vere antecedens, & nullo modo consequens, cùm antecedat, & causa est physice actum voluntatis nostrae eumque non supponat ut iam in præscientia Dei positum, aut ponendum sub conditione.

Dices 1. necessitatem antecedentem ut venit à Deo, non tollere libertatem, ut patet in negatione Petri quæ fuit libera, et si posita antecedente Christi prædicatione, euenerit necessariò. Verum hoc exemplum non est ad propositum, quia et si prædictio Christi negationē Petri tempore præcesserit, ordine tamen rationis fuit ea posterior; cùm non ideo Petrus Christum negauerit; quia Christus predixit, quin potius prædixerit Christus, quia Petrus vere negaturus erat: quare necessitas negationis orta ex Christi prædictione, non erat antecedens, sed consequens.

Dices 2. Patres Dominicanos in priuatis colloquiis, plerūmque iam affirma-

re solitos, in eorum sententia, posita motione physicè prædeterminante, voluntatem non agere necessariò, sed tantùm infallibiliter. Verùm qui ita loquuntur, non satis sincerè videntur agere: nam cū non admittant infallibilitatem tantùm moralem, quæ potest effectu carere nec metaphysicam consequentem, ortam ex scientia Dei conditionata planè infallibili, & frustationi minimè obnoxia, sequitur eos loqui de infallibilitate metaphysica antecedente, orta præcisè ex motione diuina, & vi illius intrinseca, antecedenter ad quamcumque præuisiōnem operationis futuræ. At eiusmodi infallibilitas, tam certò coniuncta est cum effectu, ex vi solius motionis diuinæ, vt posita motione illa, possibile non sit voluntatem non agere; adeoque necesse sit eam agere, idque ea necessitate antecedente planè ineluctabili, quam Bannez & aluarez perspicuè admittunt, quāque omnes sinceri physicæ prædeterminationis defensores probare tenētur, si cōsequenter loqui velint. Si quis tamen quandā prædeterminationē physicam effinxerit, per quam absolutè velet nō imponi voluntati ea præuentæ, nec silitatē agendi, moneo argumēta nostra contra eiusmodi prædeterminationē non dirigi; sed contra aliam longe

324 TRACTATUS

diuersam, vt iam non semel alibi, à nobis obseruatum fuit.

Probatur 2. quia illud liberum dicitur, quod positis omnibus ad agendum prærequisitis, potest agere vel nō agere, at posita physica prædeterminatione ad agendum, voluntas non potest non agere, sed necessario agit illud vnum ad quod impellitur, ergo non agit libere. Maior patet ex vulgari definitione libertatis, apud Theologos & Philosophos, tam antiquos, quam recentiores communissime recepta; minor vero non negatur ab aduersariis, quando sincere exponunt quid per physicam prædeterminationem intelligent.

Dices, non esse de ratione libertatis, quod in sensu composito cum omnibus requisitis ad agendum, voluntas possit operari, vel non operari, sed satis esse quod id possit in sensu diuiso. Contrà, nam iuxta hanc explicationem tribuenda erit libertas amori beatifico, & actionibus brutorum? hæc enim & similia non sunt necessaria, nisi in sensu composito cum omnibus ad agendum prærequisitis. Deinde quid iuuat meam libertatem, quod possim non agere in sensu diuiso, si mihi impossibile sit ut faciam sensum diuisum.

Instabis

Instabis definitionem allatam libertatis veram esse in sensu composito, si cōpositio fiat inter omnia ad agendum prærequisita, & potentiam non agendi; non tamen si fiat compositio inter illa, & carentiam operationis. At certè hoc gratis dicitur, quia ex communi omniū sensu, positis omnibus ad agendum prærequisitis, voluntas habet potentiam proximam & expeditam ad non agendum, adeoque potest si velit nō agere, seu ponere carentiam operationis. Eò vel maximè quia inter omnia prærequisita ad agendum per se spectata, & negationem actionis nulla assignari potest oppositio, ratione cuius repugnet ea simul componi in eadem voluntate.

Nota ad soluenda omnia aduersariaū argumenta, quæ pro physica prædeterminatione afferri solent, perperam congeri testimonia & rationes quibus probatur, Deum præfinire actus nostros, & voluntarem nostram eos applicare, mouere, inclinare, impellere; Ita enim & similia vel, coniuncta sunt cum necessitate agendi, vel non: si non sunt coniuncta, ex iis probari non potest physica prædeterminatio, cùm hæc omnia consensu necessitatē agendi inferat. Si verò ex iis necessitas agendi infertur, inde Deo.

stamus ea ut summum debere intelligi de necessitate consequente, quam nos admittimus, non autem de necessitate antecedente: qualis ea est quæ infertur per prædeterminationem physicam. Unde illa propositio, necesse est eum converti, quem Deus efficaciter vult conuertere, item illa, impossibile est quod ille non conuertatur, quem Deus absolute vult conuertere, aliæque similes quibus interdum Patres, & Scholastici vtuntur, nullo modo causam prædeterminantium iuuant, cum semper contendamus dictas propositiones non posse, nec debere intelligi nisi de necessitate consequente, ipsisque probandum superficit eas de necessitate antecedente, qualis ea est quæ in physica prædeterminatione essentialiter includitur, accipendas esse.

CONCLVSIO VI. Nullo modo admittendum est quod Deus voluntate nostram physicè prædeterminet ad actus malos.) Probatur 1. ex Conciliis, Arafiscanum 2. cap. 25. ita habet. Aliquos ad malum diuina potestate prædestinatos esse, non solum non credimus, sed etiam si sunt qui tantum malum crede-re velint, cum omni detestatione in illos anathema dicimus: At quid quæso est

aliquem prædestinare ad malum? sanè aliud nihil quām efficaci decreto statuere, ut ille actum malum perpetret, eumque ad talem actum efficaciter impellere. Et Concilium Trident. sess. 6. can. 6. eos dānat qui dicunt, deū operari mala opera non solum permisiviè, sed etiam propriè & per se; at Dcūs propriè, & per se operatur opera mala, & non tantū permisiviè, si decreto absoluto statuit ut ea fiant, & ad illa patranda voluntatem physicè prædeterminat.

Probatur 2. ex Patribus, Augustinus lib. 3. de lib. arb. cap. 4. Deus, inquit, omnia quorum auctor est præscit, nec tamen omnium quæ præscit ipse auctor est: quorum autem non est auctor, iustus est vltor. At negari non potest, quin homo puniatur propter ipsos actus materiales peccatorum: verbi causa, propter actuale homicidium, vel adulteriū realiter spectatum: ergo Deus ex mente Augustini, non est causa quod homo eiusmodi actus eliciat: esset autem sine dubio, si illum ad eos physicè impelleret, & prædeterminaret. Quis etiam capiat hominem iuste puniri propter actus prauos, si ad eos fuit ab ipsomet Deo impulsus per motionem physicè prædeterminantem, id est tam efficacem, ut cā

positâ impossibile sit non malè agere?

Augustinum sequutus Prosper respō-
sione 10. ad obiectiones Vincentianas.
Detestanda, inquit, & abominanda opi-
nio, quæ Deum cuiusque malæ volunta-
tis, aut malæ actionis credit autorem;
cuius prædestinatio, nunquam extra bo-
nitatem, nunquam extra iustitiam est;
vniuersæ enim viæ Domini misericor-
dia & veritas, adulteria enim marita-
tarum. & corruptelas virginum non in-
stituere nouit sancta diuinitas, sed dann-
nare, nec disponere, sed punire. In quibus
verbis ponderandum est, Prosperum di-
sertè loqui de ipsis malis actibus reali-
ter spectatis, & graui censura damnare
eam sententiam, quæ tales actus in Deū,
vt in causam impellentem refert. Vnde
sine fundamento dicunt aliqui, prædicta
& similia debere intelligi de actibus ma-
lis formaliter vt mali sunt; præferrim
cùm ij quos reprehendebant Patres non
affererent, Deum nos impellere ad actus
malos. vt formaliter mali sunt.

Probatur 3, variis rationibus, quarum
prima est, quia homo qui peccat, habet
auxilium sufficiens, vt possit peccatum
virare, si velit; at nullum est tale auxi-
lium, si physicè prædeterminatur ad actū
malum, vt per se notum videtur; siquidē

posita tali motione , impossibile est ut
non peccet , sub quacunque gratia con-
stitutus sit.

Secunda est, quia homo peccat libere,
ergo non prædeterminatur physicè ad
actum peccati. Sequela patet ex con-
clusione præcedenti , ubi ostendimus
physicam prædeterminationem non stare
cum usu nostræ libertatis.

Tertia, de fide est Deum non velle
peccatum , at oppositum sequeretur si
nos prædeterminaret ad actus prauos :
siquidem nihil magis volumus quam id
quod decreto absoluto, & efficaci volu-
mus ut fiat, idque ex nobis ipsis, seu aliū-
de minimè impulsi, quodque mediis ef-
ficassimis fieri curamus , eo modo quo
statuimus.

Quarta, si Deus voluntatem nostram
physicè prædeterminaret ad actum pec-
cati, esset causa peccati, at hoc dici non
potest, ergo neque illud; sequela maio-
ris ostenditur, nam si dæmon dicitur causa
peccati, quatenus te inducit ad actum
prauum, variis suasionibus quas facile
cum diuino auxilio repellere potes; quā-
tò magis Deus dicitur causa peccati ,
si te physicè prædeterminat ad actum
malum ? Imo si tu ipse es causa peccati,
quatenus te determinas ad actum malum,

à fortiori Deus erit causa peccati, si non te determinas ad talem actum nisi iam ab illo ad eundem actum prædeterminatus.

Dices, ideo Deum non esse causam peccati, quia prædeterminat tantum ad entitatem & substantiam peccati, seu ad actum ut actus est, non autem ad malitiam illius. Verum hæc responsio gratis conficta est, quia quod per se directè est causa ut ponatur aliquid, consequenter est causa, ut ponatur aliud, quod cum eo necessario & inseparabiliter coniunctum est; at malitia est inseparabilis ab entitate & substantia peccati, prout ista hic & nunc ponitur ab homine rationis cōpote: ergo si Deus est causa quod homo in his circumstantiis ponat entitatem & substantiam peccati, consequenter est etiam causa quod formale peccati ab eo ponatur. Eo vel maximè, quia quando Thomistæ dicunt Deum prædeterminare ad actum prauum, ut actus est, non loquuntur de ratione generica actionis; quæ ut sic non est moraliter mala, sed de tali actu in specie, ut est verbi causa, odium Dei, aut blasphemia, qua ratione malitiam essentialiter, adeoque inseparabiliter coniunctam habet.

Nota I. Deum non sic uti prauis ho-

minibus tanquam instrumentis ad alios debellandos aut affligendos, ut eos prædeterminet ad eiusmodi actus, sed partim quia permittit ut mali aliis noceat, partim quia iusto iudicio eos deserit, quibus nocumentum infertur, non dat eis adiutorium quo malum sibi immitchens caueant.

Nota 2. omne quidem ens per participationem reducendum esse a deo ens per essentiam, non tamen eodem modo; quia licet Deus recte & merito prædeterminet ea omnia quæ se solo facturus est, non tamen æquum est ut se solo, & non attendendo ad exigentiam voluntatis creatæ, eam prædeterminet ad omnes actus siue bonos, siue malos qui in tempore ab ea prodituri sunt. Neque propterea sequitur multa esse prima principia, quia et si voluntas creata non indigeat prædeterminari ad agendum, nihil tamen siue intimo Dei influxu conseruante & cooperante operari potest, quod repugnat rationi primi principij. Plura ad has duas Conclusiones spectantia vindenda sunt in suaui Concordia disp. 2. vbi præcipua incommoda quæ ex physica prædeterminatione sequuntur latissime tractauimus: omnesque aduersariorum euasionses, quibus argumentata nostra

SECTIO. VI.

De Prædestinatione.

CONCLUSIO I.

IN Deo de facto admittenda est ali-
quorum prædestinatio.) Est de fide ,
probaturque primò ex Script. Rom. 8.
Quos prædestinavit, hos & vocauit : Et
Ephes. 1. Prædestinati secundum propo-
fitum eius qui operatur omnia secūdum
consilium voluntatis suæ. Mitto loca
quæ testantur aliquos à Deo esse ele-
ctos, aut eorum nomina scripta esse in
cœlis; ex his enim & similibus apertē
deducitur prædestinationis existentia ,
sicut ex innumeris Patrum testimoniis,
quæ hîc recensere superfluum foret.

Secundò idem ratione ostenditur, nam
prædestinare est ab æterno aliquibus de-
stinare certa media, per quæ vitâ æter-
nam efficaciter consequantur ; atqui
Deus ab æterno nonnullis eiusmodi me-
dia destinavit, ergo & eos prædestinavit.

Probatur minor, nam de fide est aliquos peruenire ad finem ultimum vitae æternæ, idque per auxilia supernaturalia & efficacia ipsis à deo concessa; Deus autem est agens per intellectum & voluntatem, nihilque agit in tempore nisi quod se acturus ab æterno decreuit.

Nota prædestinationem non tollere libertatem, quia licet posita prædestinatione necesse sit in sensu cōposito prædestinatum saluari, ea tamen necessitas non est antecedens, sed consequens, cū supponat aut præscientiam absolutam perseverantiae finalis, aut certè sciētiam conditionatam qua Deus nouit Petrum, per talia auxilia alioqui repudiabilia, & minimè prædeterminantia saluandum, si illi dentur. Quinam autem ex his modis sit probabilior, constabit ex sequenti capite.

C O N C L V S I O II. Prædestinatione est decretum absolutum quo Deus ab æterno aliquos homines vel Angelos elegit, seu destinavit ad vitam æternā: per certa media supernaturalia quae nouit effectū habitura, infallibiliter consequendam.) Ex qua definitione nonnulla colligi debent.

Primo, prædestinationem esse aliquem actum in deo ab æterno existentem, per

quem Deus intrinsecè denominatur prædestinans, creaturæ verò rationales extrinsecè prædestinatæ; ita ut subiectum, aut quasi subiectum prædestinationis sit ipse Deus; obiectum vero illius sint Angeli, & homines qui de facto saluantur.

Collige secundò, ad prædestinationē requiri non modo actum intellectus, sed etiam actum voluntatis, ut patet, quia videt Deus per quæ auxilia possint salvare multi homines, qui tamen nō sunt prædestinati: quare ut aliquis dicatur à Deo prædestinari, præter notitiam illam requiritur actus voluntatis, quo Deus statuit eum transmittere ad vitā æternam per talia media. Vnde quia talis actus est liber, prædestination in Deo est absoluta libera, esto scientia illa præcedens sit necessaria, saltem supposita veritate obiecti.

Collige tertio, in quo prædestination & prouidentia conueniant, & discrepant inter se: conueniunt quod prouidentia etiam complectitur actus intellectus & voluntatis, ut patet ex supradictis: discrepant verò, tum quia materia prouidentiæ latius patet quam prædestinationis, tum quia prædestination suum finē particularē in quolibet prædestinato infallibiliter obtinet.

C O N C L V S I O III. Varijsunt

errores circa prædestinationem ad gratiam.) Ut alios omittam, pauca hīc de Pelagianorum & Semipelagianorum errore dicenda sunt.

Quod spectat ad errorem Pelagianorum, vnum est certum, & aliud de quo controvèrtitur. Certum est Pelagium eiusque sequaces aliquando docuisse. Primo hominem ex solis naturæ viribus, sine villa gratia interna vera & supernaturali, posse omnia præcepta servare & salutem consequi. Secundo ideo hominem esse prædestinatum, & electum ad gloriam, quia præuidit Deus eum bene operaturum naturæ viribus, nulla internæ gratiæ auxilio suffultis.

Est autem dubitatio inter recentiores, an ipse Pelagius postea hunc errorem, saltem ex parte retractauerit, ideo ut veram gratiam internam ordinis supernaturalis admiserit. Recētiores Thomistæ affirmant, existimantes eum tandem post varias disputationes cum August. habitas agnouisse gratiam ad posse, quam ponebat in apertione, seu illuminatione oculorum cordis, & in suscitatione stupentis voluntatis, aliisque id genus monitionibus quæ spectant ad gratiam sufficientem, nunquam tamen admisisse gratiam efficacem, qua Deus.

facit, vt infallibiliter bene operemur. Oppositum tamen est verius, nam etsi interdum Pelagius verbis magnificis gratiam commendauerit, nunquam tamen ex animo pristinum errorem retrahauit, vt patet ex Aug toto ferè lib. de gratia Christi, speciatim cap. 3.4.6.7.9. 41. & 42. ex quibus manifestum est prædictum hæreticum conatum esse, variis verborum inuolucris suum errorem obtegere, & nomine gratiæ nunquam intellexisse veram gratiam internam & supernaturalem, sed tantum liberum arbitrium à deo gratis collatum. itemque legem & doctrinam externam, qua naturam iuuari dicebat.

Vnde Pelagius per illuminationem oculorum & suscitationem stupentis voluntatis, nihil aliud intellexit quam legem externam quatenus hæc docer quæ agenda sunt, & quantum est ex se, obiectuè excitat voluntatem nostram, præmia aut pœnas proponendo, vt bene operemur, & peccata fugiamus.

Quod attinet ad errorem Semipelagianorum, seu Massiliensium, ij dicebāt, Primo nos posse propriis viribus naturæ bene incipere quoad negotiū salutis, nō tamen opus inchoatum perficere, sine Dei auxilio. Secundo, illud initium à

nobis appositum aduocare, & aliquo modo mereri adiutorium gratiæ, necessarium ad bene operandum & perseuerandum. Tertiò, Deum nos prædestinare ad gratiam & gloriam, propter tenuem illum conatum à nobis appossum.

Dubitatur autem de quo merito, & de qua gratia Semipelagiani loquerentur. Respondeo 1. eos locutos de merito imperfecto, quod congruum appellari solet, non autem de merito condigno, ut liquer ex August. lib. de prædestinatione SS. cap. 2.

Respondeo 2. eos debere intelligi de gratia adiuuante interna & supernaturali, nam cum excluderent gratiam propriè præuenientem, si ulterius negassent adiuuantem, nullum actum supernaturalem potuissent agnoscere, & consequenter debuissent negare gratiam sanctificantem; sicque quoad negotium salutis iam ex toto essent Pelagiani, & non Semipelagiani.

C O N C L V S I O IV. Ex parte prædestinati non datus causa prædestinationis ad primam gratiam.)Ratio est, quia ex fide, non potest homo mereri primam gratiam, ergo neque ut præstinetur ad illam: confirmatur ex verbis

illis Apostoli 1. Corinth. 4. Quis enim te-
discernit? &c. Hinc enim colligitur ho-
minem non esse causam illius discrimi-
nis quo prædestinatus distinguitur à non-
prædestinato, sed meram misericordiam
Dei tale discrimen inter utrumque
constituentis: quod falsum esset, si ho-
mo naturaliter Deo præberet motuum,
sive rationem eum prædestinandi præ-
alio; ad gratiæ auxilia quibus salus
comparatur.

Quo loco aduerte 1. iam dicta ita de-
bere intelligi, ut nequeat homo mere-
ri prædestinationem, per opera antece-
dentia primam gratiam actualem, eò
quòd quidquid talem gratiam præce-
dit est ordinis naturalis, adeoque nimis
leue & impropportionatum, ut possit esse
meritum, sive condignum, sive etiam
congruum respectu primæ gratiæ, aut
prædestinationis ad illam.

Dices, cur non potest homo mereri
primam gratiam de congruo, cùm pec-
cator gratiam iustificantem gratis reci-
piat, et si eam mereatur de congruo? Resp.
causam discriminis esse, quia cùm pec-
cator intrinsece sit indignus gratia san-
ctificante, meritum congruum illius o-
peribus aliunde, nimirum ex Spiritus
sancti auxilio, adueniens, non impedit.

quin gratis iustificationem obtineat. At verò si homo ex meritis naturæ viribus mereretur de congruo primam gratiam, iam ille secundum se, & ex personæ conditione haberet proportionem connaturalem cum tali præmio, quod proinde gratis illi non daretur.

Auerte 2. sententiam quæ refert primæ gratiæ collationem, in bonum usum eiusdem gratiæ præuisum, nihil habere commune cum errore semipelagianorum: illi enim affirmabant 1. hominem prædestinari ad gratiam, ex præuiso bono usu solius liberi arbitrij, nulla gratia præuenti. 2. parvulos prædestinari propter opera bona quæ fecissent, si ad ætatem adultam peruenissent, adeoque propter opera absolute nunquam futura; prædicta vero sententia agit tantum de meritis ab ipsa gratia ortis, quæque absolute futura sunt, licet præuideantur sub conditione. Fatemur tamen sententiam illam parum habere probabilitatis, cum vel solo exemplo Tyriorum satisfiendatur, merita conditionata Deum non mouere ad conferendam gratiam.

SECTIO VII.

De electione & reprobatione.

CONCLVSIΟ I.

Probabilior est sentia quæ docet, electionem efficacem ad gloriam futam esse antecedenter ad absolutam præuisionem meritorum, adēque esse merē gratuitam.) Rationes variæ sunt, & non spernendæ, quibus id suadetur. Prima, negari non potest quin Scriptura ei valde faueat plerisque in locis, ac speciatim Sap. 4. Matth. 24. & Ioā. 10. vbi agitur de speciali cura quam Deus exercet erga prædestinatos dando operam ut à gratia finaliter non excidant; hinc enim aperte colligitur perseverantiam finalem esse effectum electionis, non autem causam illius. Fauet etiam Paulus Rom. 8. aliisque locis agnoscens quandam vocationem propriam electorum; quam vocat secundum propositum, quia Deus eam tribuit prædestinatis ex efficaci proposito eos saluandi; & cap. 9. tradens discretionem Iacob electi ab Esaü reprobato non ex corum operibus, sed

ex mera voluntate Dei, quem ait se habere instar figuli, facientis aliud vas in honorem, aliud in contumeliam.

Secunda, quia ut etiam fatentur non nulli autores sententiae oppositae, Augustinus apertissime locis prope innumeris ita comparat electionem efficacem ad gloriam, cum finali perseverantia, ut velit hanc esse effectum illius; ita ut alicui tribuatur perseverantia, quia ad beatitudinem electus est, & non vice versa ille eligatur, quia perseveratus est: unde consequens est praedestinatos non eligi ex praeuisis meritis, sed ex gratuita Dei voluntate, cuius vi tribuuntur ipsa merita, & perseverantia finalis.

Vnde saepe illud constituit discrimen inter praedestinatos, & non praedestinatos, quod priores quia electi sunt, perseverantiam accipiunt; posterioribus vero perseverantia denegatur, eodem quod non sunt ex beato illo electorum numeros; qua in re serio monet, non esse curiosè discutienda iudicia Dei, sed cum humilitate suspicienda, iuxta illud Pauli,

O altitudo, &c.

Saepe etiam Augustinus electionem adulorum comparat cum electione parvolorum, quoad hoc, quod sicut

210 TRACTATUS

Deus quosdam paruulos eligit misericorditer ad gloriam, tumque curat ut iis administretur Baptismus, sine quo saluari nequeunt, adeò ut perseverantia finalis sit effectus, non causa electionis ipsorum. Contrà verò alios ex iusto iudicio relinquit in massa perditionis, permittens ut morte præueniantur, antequam à peccato originali mundari possint: ita Deus ex mera sua misericordia quosdam adultos eligit ad gloriam, & deinde ex vi huius electionis tribuit illis media ad talem finem necessaria; alios vero ex iusto, quamvis occulto iudicio, non eligit ad gloriam, & consequenter non dat operam ut illis conferantur ea mediæ, per quæ efficaciter beatitudinem obtinerent. Verba Augustini quibus prædicta latè confirmantur habes in suavi Concordia, disp. I. sect. §. quem locum, si placet, consule.

Tertia quia S. Thomas electionem gratuitam perspicuè defendit variis locis disput. iam citata relatis, ex quibus hic tantum obseruandum est illud ex q. 7. de verit. art. 6. ad 3. Vitam gloriæ non prouidet, nisi ex beneplacito suæ voluntatis, & illud ex 1. p. q. 23. art. 5. ad 3. sed quare hos elegit in gloriam, & hos reprobavit, non habet rationem

ni
ve
eu
an
ele
de
du
pu
tui
cu
qu
me
def
ten
fer

sen
to
pri
At
fine
teir
lan
rita
non
I
ceit
tem
aut
con

nisi diuinam voluntatem. Atque hanc veram esse sententiam S. Doctoris agnoscunt communiter Thomistæ omnes, tam antiqui quam recentiores, qui proinde electionem gratuitam merita antecedentem & causantem nobiscum defendunt; immo Scotus & omnes illius discipuli hanc nostram sententiam ampetuntur, fatenturque se in hac re consentire cum S. Thoma, sicut & alij plerique quos prætereo. Vnde patet, si res ex numero & authoritate Scholasticorum sit definita, dubitari non posse quin sententia quam propugnamus oppositæ præferenda sit.

Quarta, quia ut communiter nostri sententiæ authores ex S. Thoma & Scoto argumentantur, qui ordinatè vult, priùs vult finem quam media ad finem: At Deus ordinatè vult, ergo priùs vult finem quam media ad finem; gloria autem est finis, & merita sunt media ad illam, ergo priùs vult gloriam quam merita; & consequenter electio ad gloriam non potest esse ex prævisione ineritorū.

Dices voluntatem quandam inefficacem dandi gloriam, præcedere voluntatem dandi media, quæ sunt merita, non autem efficacem, de qua loquimur. Sed contrà, nam intentio finis debet esse

proportionata electioni mediorum , at Deus dat media efficacia ad finem, ergo hoc oritur ex efficaci intentione finis.

Quinta , quia illa sententia est præferenda , quæ ex una parte electis est multò fauorabilior, & ex alia non habet maiorem rigorem erga reprobos. At hoc competit nostræ sententiæ, ut per se patet quoad prædestinatos; quantum verò ad reprobos ostenditur, quia si res attente inspiciatur , in morali æstimatione perinde est , quòd Deus non eligat Iudam ad auxilia efficacia & finalem perseuerantiam , aut quòd eum non eligat ad gloriā: cùm reprobatio à finali perseuerantia sit virtualis reprobatio à gloria , hæcque non maiorem salutis spem relinquat, quām formalis voluntas dengandi gloriam.

Vnde quando opponunt aduersarij, quomodo Deus habeat verum & sincerum affectum saluandi Iudam , si illum non eligit efficaciter ad gloriam cum Petro , nos vicissim ab ipsis querimus, qua ratione Deus, in eorum sententia, sincerè velit saluare Iudam , cùm eum non eligat ad auxilia efficacia, & ad finalem perseuerantiam , ad quam tamen ex mera sua misericordia eligit Petru.

Sanè utrobique est eadem difficultas; neque puto quod is qui se reprobatum existimat, fœliciorem aut mitiorem sortem experiatur, et si à nostra, ad oppositam sententiam transeat.

Nota 1. non opus esse ponere in Deo duplē voluntatem efficacem respetu gloriæ, aliam antecedentem merita, aliam consequentem, sed unicam sufficiere, qua Deus ex mera sua liberalitate, & à præuisis meritis minimè prouocatus, efficaciter aliquem eligit ad gloriam per merita obtinendam.

Dices, ergo eadem voluntas erit gratuita simul & remuneratiua, quod repugnat. Distinguo, erit gratuita & remuneratiua quoad se, nego; erit gratuita quoad se, & remuneratiua quoad obiectum, concedo. In hoc autem nulla est repugnantia, sicut neque quod Petrus malit vendere suum equum Stephano, quam Antonio: illa enim voluntas Petri est merè gratuita, et si per illam nō velit dare equum gratis, sed pro iusto precio.

Instabis, eo ipso quod Deus statuit conferre gloriam per merita, necesse est ut merita illius intellectui iam obiiciantur ut præsentia. Verum hoc negatur de præsentia absoluta, sufficit enim quod per scientiam conditionatam

214 TRACTATUS
priorem electione sciat Deus se posse ei
quem elegerit tribuere merita , quot-
quot, & quando voluerit.

Nota 2. Prædestinatum in sensu com-
posito cum scientia conditionata decre-
to prædestinationis præsupposita , non
posse damnari, quia eligitur , ut saluan-
dus per auxilia gratiæ , quæ iuxta præ-
scientiam Dei effectum in eo sunt infal-
libiliter habitura; absolutè tamen posse
damnari, quia cùm non saluetur nisi per
auxilia repudiabilia , & minime præde-
terminantia, potest si velit ijs cōsensum
negare & in peccatum finale labi. Con-
trà verò eum qui non est efficaciter ele-
ctus ad gloriam, absolutè posse saluari,
quia etsi non possit efficere , vt eligat-
tur ante præuisita merita , potest tamen
cooperari gratiis acceptis, quod si face-
ret, haud dubiè eligeretur ad gloriam
ex p'æuisis meritis.

CONCLVSIO II. Gloria æterna,
item vocatio & iustificatio, peccatorum
permisso, & bona prædestinati indoles
sunt effectus prædestinationis.) Prima
pars probatur, quia qui causat media
efficacia ad finem , causat mediate ip-
sum finem ; atqui prædestinatio causat
media efficacia ad gloriam , ergo & ip-
m glori am.

Secunda pars ostenditur, tum ex illis verbis Rom.8. Quos autem prædestinavit, hos & vocavit, & quos vocavit, hos & iustificavit; tum quia illud est effectus prædestinationis, per quod Deus exequitur decretum prædestinationis, at Deus per vocationem, & iustificationem exequitur decretū prædestinationis, ergo.

Tertia pars probatur, quia cùm ex una parte permissione peccati sit bona, & à Deo volita, ex alia vero omnia prædestinatis cooperentur in bonum, etiam ipsa peccata, quatenus resurgunt humiliores, cautiiores, & feruentiores, nihil videtur obesse quin Deus permittat prædestinatos cadere, ex intentione efficaci, ut ad maiorem gratiam & gloriam assurgant: atque ita docet S. Thom 1.2.q.79.art.4.

Nota Deum velle permissionem peccati ratione pœnitentiaz, neque propter reā opus esse ut Deus velit peccatum ad pœnitentiam requisitum, sed sufficere quod per scientiam conditionatam sciat prædestinatum infallibiliter peccaturū, ex hypothesi quod vellit illi exhibere concursum necessarium ad peccandum.

Quarta pars suadetur, quia quidquid ad salutem prædestinati de facto conductum est effectus prædestinationis ipsius: at ingeniu, bona indoles, aliaque eiusmodi

naturalia ad hoc conducunt, vt patet ex August. qui lib. de dono perseuerantiae cap. 14. & alias non raro docet Deum cum vult aliquem conueteret, eum mouere & vocare eo modo quo scit ei congruere, spectata scilicet illius naturali dispositione, vt vocantem non respuat.

C O N C L V S I O III. Prædestinatione certissimè, & infallibiliter consequitur suum effectum, non tamen imponit necessitatem agendi.) Ita S. Thom. i. p. q. 23. art. 6. quod probat, quia prædestinatione est pars prouidentiæ. At non omnia quæ prouidentiæ subduntur sunt necessaria, sed quædam contingenter eveniunt, secundum conditionem causarum proximarum, quas ad tales effectus diuina prouidentia ordinavit. Et tamea prouidentiæ ordo est infallibilis, ex dictis q. 22. art. 4. Sic igitur & ordo prædestinationis est certus, & libertas arbitrij nō tollitur, per eiusmodi certitudinem.

Ex quo patet, electionem efficacem ad gloriam merita antecedentem, non obtinere suum effectum per motiones physicè prædeterminantes, cum hæ inducant necessitatem agendi contrariam libertati ut supra ostensum est: quare ut eiusmodi electionis immobilis certitudo defedatur, eaque cū libertate rectè concilietur,

liestur, necessario recurrentū est ad sciētiam medium decreto prædestinationis præsuppositam, qua videt Deus quid faceret Petrus si illum in circunstantiis minime prædeterminantibus constitueret; ac proinde huius scientiæ usus maximè in hac controuersia admittendus est.

Illi tamen qui putant, electionem efficacem ad gloriam factam esse duntaxat post præuisa merita, sufficienter explicant certitudinem prædestinationis per scientiam visionis, qua Deus merita, ut absolutè futura intuetur; neque quoad hoc præcisè opus est, ut recurrant ad scientiam conditionatam; licet Deus in priori decreto quo auxilia gratiæ hominibus distribuit, illius luce & directione indigeat.

Nota i. eos qui docēt, efficacē electionem factam esse antecedenter ad præuisa merita, communiter affirmare gradus omnes gloriæ, ad quos singuli beati peruenturi sunt, speciali decreto & prædefinitione Dei fuisse determinatos: siquidem modus melioris & perfectioris prouidentiæ exigit, ut sicut Deus certos Angelos & homines nominatim destinat ad gloriam æternam, ut ex iis regnum cœleste constituat; ita singulis de Deo.

K

præscribat certam gloriæ mensuram, ex cuius diuersitate, & inæqualitate tanquā ex variis mansionibus ciuitas illa beatorum mirificè coalescit: iuxta illud Christi, Ioan. 14. In domo Patris mei mansiones multæ sunt

Nota 2. quòd etsi Deus homini prædestinato, quandiu viuit, tribuat auxilia sufficientia quibus noua, & noua merita cumulare possit, si velit, priùs tamen quam ea tribuat, nouit per scientiam medium prædestinatum per talia auxilia si illi dentur, non acquisiturum de facto nisi talem gradum meriti & gloriæ. Vnde eâ scientiâ præsupposuâ, rectè potest Deus certò præfinire mensurâ gloriæ tribuendæ prædestinato, neque vñquam eueniet, quòd prædestinatus illum gradum, aut non attingat, aut prætergrediatur: res enim ita erunt per diuinam prouidentiam dispositæ, ut quando eleitus præfixam meritorum & gloriæ mensuram iimpleuerit, simul ad vitæ terminum perueniat.

CONCLVSION IV. Aliquo sensu ponendus est in Deo liber vitæ.) De hoc agit S. Thomas i p. q. 24. per 3. articulos, quorum primo docet in primis librum vitæ in Deo dici metaphorice, nempe secundum similitudinem à

rebus humanis acceptam. Consuetum enim est apud homines eos qui ad aliquid eliguntur conscribi in libro, ut propter milites & consiliarios, qui olim dicebantur Patres Conscripti; quare cum prædestinati elegantur a deo ad habendam vitam æternam, hinc ipsa prædestinaturum descriptio liber vitae appellari solet. Secundò librum vitae ratione distinguiri a prædestinatione, quatenus prædestinatio est ratio ordinis mediorum, quibus prædestinatus dicitur ad vitam æternam: at liber vita est ipsa notitia, qua Deus firmiter retinet se aliquos prædestinasse ad vitam æternam. Tertiò, non esse consuetum conscribi, eos qui repudiantur, sed eos qui eliguntur, ac proinde reprobationi non respondere librum mortis, sicut prædestinationi responderet liber vita.

Art. 2. docet 1. librum vitae respicere tantum vitam gloriæ prædestinatorum, aliquis enim eligitur ad id, quod ei non competit secundum suam natutam, quodque habet rationem finis; quæ duæ conditiones competit vitæ gloriæ, non autem vita naturali, ad quæ proinde nemo scribi dicitur. 2. non dici librum vita respectu gratiæ, quia nemo conscribitur ad id quod habet rationem

medij sed ad id quod habet rationem
finis, sicut miles non conscribitur, ut ar-
metur, sed ut pugnet, & vincat si possit;
sicut tamen illi qui habent gratiam, & à
gloria excidunt, dicuntur electi secun-
dum quid, & non simpliciter, ita & di-
cuntur scribi in libro vitæ secundum
quid, non simpliciter.

Art. 3. docet 1. non posse deleri de
libro vitæ, eos qui in illo sunt scripti
simpliciter, id est, qui à prædestinatione
sunt ordinati ad gloriam æternam hæc
enim ordinatio non potest deficere. 2.
eos posse deleri de libro vitæ, qui in eo
sunt tantum scripti secundum quid quia
illi eo modo dicuntur scripti in libro
vitæ, qui ad vitam æternam ordinantur
per gratiam: quare cum iij possint à
gratia deficere, consequenter de libro
vitæ deleri possunt. 3. hanc deletionem
non esse reducendam in Dei notitiam,
quasi verò aliquid prius Deus scuerit, &
postea id nesciat, sed in rem ipsam, qua-
tenus Deus scit eum qui habet gratiam,
ordinari tunc in vitam æternam, & po-
stea non ordinari, cum ab ea deficit.

CONCLVSI O V. Probabilius
est reprobationem hominum negatiuam
non fuisse constitutam, nisi ob peccatura
origihale præuisum.) Probatur primò,
quia Augustinus libro de dono perseue-

rantiæ cap. 8. & aliàs frequentissimè docet, prædestinationem hominum factam esse ex massa generis humani per peccatum originale infecta, ita ut aliqui per misericordiam Dei ex ea massa liberati fuerint, alij verò ex iusto Dei iudicio ab ea non fuerint liberati.

Secundò, prædestinationem hominū supponit peccatum originale, vt patet quia supponit merita Christi, & hæc peccatum originale; ergo etiam reprobatio negatiua peccatum originale supponere debet; cum eodem signo rationis concepta sit, quo electio ad gloriam, & consequenter dicendum est eiusmodi peccatum fuisse simpliciter causam, propter quam Deus homines negatiuè reprobare voluerit: etsi non fuerit causa, quare potius hunc quam illum eo modo reprobauerit: cum omnes peccato originali æqualiter infecti fuerint.

Nota, ex quorundam sententia, prædestinationem & reprobationem hominum constitutam esse, præuiso peccato primi parentis, antequam esset transfusum in posteros illius, sicque potuisse Beatam Virginem à peccato originali in seipsa præseruari. Alij verò putant Beatam Virginem potuisse præseruari ab originali, etsi prædestinatio non sit

constituta nisi post transfusionem illius: quia præuiso Adæ peccato, Deus voluit permittere, ut omnes illius posteri coinficerentur, excepta purissima Virgine quam ab eiusmodi labo præseruauit.

C O N C L V S I O VI. Deus neminem positiuè reprobat, ante præuisum illius peccatum.) Est communis tum contra Lutheranos & Caluinistas, tum contra quosdam recētores Theologos, qui quoad rem ipsam idem sentire viēntur. Probatur autem primò, nam si reprobatio negatiua non est facta independenter à peccato, multò minus positiuia quæ longè durior est: cùm per iliam reprobis actu positivo excludatur à regno cœlorum, & pœnis æternis addicatur.

Secundò, de fide est Deum non esse per se, & directè causam quod aliquis damnetur: at oppositum dicendum esset, si Deus ex se ipso, nulla suppositâ culpâ ex parte hominum, vellet positiuè excludere eos à regno cœlorum, & in infernum detrudere.

Nota 1. prædictam conclusionem debere intelligi de peccato finali: sic enim pleniùs verificatur, Deum velle ut omnes homines saluentur, peccatores etiam perditissimos posse cōuersti quandiu vi-

gunt, & similia quæ satis non cohærente
videntur, si Deus, saltem ut plurimum,
velit aliquem damnare antequam videat
eum mori in peccato.

Nota 2. Deum posse permettere pec-
catum reproborum, tum ut magis ref-
plendeat diuinæ prouidentiæ suauitas,
permittentis, ut creataræ liberæ motus
suos agant; tum ut ex reproboru[m] pec-
catis prædestinati cautiores euadāt; tum
propter alios fines quos prætereo. Ne-
que opus est ut ex intentione puniendi
reprobos, permittat eos peccare, et si sup-
positio eorum peccato, iustè statuat illis
pœnam inferre, ex intentione ostenden-
di in eorum supplicio, iustitiam suam
vindicatiuam.

C O N C L V S I O VII. Peccatum
reprobini non est effectus reprobationis,
permisso tamen peccati finalis est effe-
ctus reprobationis negatiuæ, & interdū
positiuæ.) Prima pars probatur, quia
cùm reprobatio sit actus diuinæ prou-
identiæ, sicut & prædestinatio, nihil esse
potest effectus reprobationis, nisi quod
à Deo causari potest, & esse illius effe-
ctus; at repugnat quòd Deus sit causa
alicuius peccati, vi Catholici omnes fa-
rentur: ergo fieri non potest quòd pecca-
ta reproborum sint reprobationis effe-

Etus. Confirmatur, quia si Deus causaret peccata reproborum, iam verè dici posset, non electos ad gloriam esse prædestinatos ad malum, quod omnino à fide alienum est, ut patet ex Concil. Arausic.

2. cap. 25. & ex Trident. sess. 6. can. 17.

Vbi nota 1. hoc ita à nobis intelligi, ut peccatum non sit reprobationis effectus, siue quoad materiale, siue quoad formale.

Secundò, ut neque peccatum sub ratione pœnæ, sit reprobationis effectus: cum enim intrinsecam deformitatem habeat, non potest Deus illud peccatum causare, ex intentione aliquem puniendo. Neque refert quòd aliqui dicantur tradi in reprobum sensum, excæcari, indurari, &c. Ista enim non significant, Deū causare in nonnullis sequentia peccata ut puniat præcedentia; sed tantùm permettere, ut in noua peccata labetur, subtrahendo seu denegando vberiora auxilia, per quæ ab iis peccatis abstinerent.

Secunda pars ostenditur, nam Deus eo ipso censetur permettere peccatum finale in reprobo, quo illi denegat gratiā efficacem, qua tale peccatum vitaret. At reprobatio negativa ex August. lib. de correp. & gratia cap. 7. & saepe aliàs est causa quòd Deus reprobo deneget tale

gratiam: sicut electio opposita est causa quod dentur prædestinato auxilia efficacia, per quæ finaliter perseverat; ergo est etiam causa permittendi in reprobo peccatum finale.

Tertia pars suadetur quia etsi Deus ordinariè non statuat aliquem excludere à regno cœlorum, & in infernum destrudere, nisi propter, peccatum in quo videt eum mori; interdum tamen contingit Deum, propter immane aliquod scelus, velle hominem pœnis æternis afficere, & ex tali intentione illius morte accelerare modo extraordinario, ut vulgarè conceditur cuenisse in reprobatione Dathan & Abiron; aliisque similibus, quorum Scriptura meminit.

C O N C L V S I O VIII. Creatio reprobri non est effectus suæ reprobationis positiuæ.) Est communis & certa contra hæreticos & nonnullos recentiores Theologos qui, quoad hoc, valde ipsis fauent. Probatur autem primò ex dictis, ostendimus enim Deum nemine reprobasse positiuè ante præuisum illius peccatum: unde sequitur à fortiori, reprobationem supponere creationem hominis reprobandi; cum prius sit aliquæ existere, adeoque creatum esse, quam peccare.

Secundò, si Deus ex se efficaciter intendit damnare Iudam, & ex illa intentione illum creat, nullo modo dici potest, neum creasse omnes homines ex vero, & sincero affectu eos saluandi, quatenus intentione eos creasse, ex fide certum est; neque dici potest neum nolle mortem peccatoris, sed ut conuertatur, & viuat; falsumque est quòd Patres tam sàpe inculcant, Deum ex seipso sumere motuum miserendi, & ex nobis nostrisque peccatis motuum puniendi.

Nota non opus esse, quòd Deus ex primaria intentione ostendendi suam misericordiam in prædestinatos, alios creare voluerit eo fine ut positiuè eos, damnaret; sed sufficere quod eos non elegerit efficaciter ad gloriam, & ad specialissima dona gratiæ in prædestinatos profusa. Hinc enim satis declaratur misericordia Dei erga prædestinatos, quibus non magis debebatur electio, quam aliis, qui que proinde æquè ac illi poterant relinquiri, ac non eligi.

C O N C L V S I O I X. Bona reprobatio concessa non sunt reprobationis effectus.) Probatur nam sicut voluntas creandi aliquem eo fine, ut damnetur, excludenda est à Deo ex supradictis, ita

& voluntas ei tribuendi bona aliqua siue naturalia, siue supernaturalia, ex eodem fine. Confirmatur, nam quemadmodum Deus omnes homines, etiam reprobos, creauit ex vera intentione eos saluandi; ita eadem intentione eis constituit varia dona, tam naturalia quam supernaturalia, per quae salutem consequi possent: non ergo ex intentione eodemandi ciusmodi bona ipsis concessit cum haec duæ intentiones inter se repugnant, ut per se pater.

Neque dicas, bona omnia reprobō concessā de facto conducere ad damnationem illius, adeoque esse effectus reprobationis ipsius; quemadmodū bona prædestinatis concessā, quae cum effectu conducunt ad eorum salutem sunt effectus prædestinationis ipsorum. Negatur enim consequentia, & ratio discriminis est, quia Deus tribuit bona prædestinatis ea intentione, ut iis bene videntur, eorumque auxilio salutem consequantur; unde non repugnat quod sint effectus prædestinationis: Deus autem non tribuit bona reprobis ut iis male videntur, & per illa damnentur, sed potius ut iis bene videntes, saluentur: quare dici non potest, quod sint reprobationis ipsorum effectus.

CONCLVSIO X. Inflictio pœnæ æternæ est proprius, imò vnicus effectus reprobationis positivæ.) Prima pars ostenditur, nam reprobatio positiva est decretum efficax, quo Deus homines prauos positivè vult excludere à regno cœlorum, pœnisque æternis multare: huius autem decreti proprius effectus est, ipsa actualis exclusio à cœlo, & inflictio pœnæ æternæ, quæ incipit post mortem reprobationis.

Secunda pars probatur, nam ut patet ex supradictis, decretum positivum damnandi aliquem, non constituitur nisi post præuisum illius peccatum finale; tunc autem nullus effectus ex imperio & efficacitate talis decreti causandus superest, præter actualem inflictionem pœnæ æternæ: ergo hæc inflictio est vnicus, & solus effectus reprobationis positivæ.

Confirmatur, nam si alius quidam est effectus reprobationis positivæ, is est, vel productio reprobationis, vel dona illi collata, vel peccatum illius, vel denique decretum permittendi, seu non impediendi illud peccatum; at nihil ex istis est effectus reprobationis positivæ, ut ex dictis perspicuum est, ergo reprobatio positiva nullum ha-

DE DEO. CAP. V. 229
bet effectum, præter inflictionem pœ-
næ æternæ.

Hæc autem intellige de lege ordi-
naria, nam in casu illo extraordina-
rio, de quo conclusione 7. actum est,
non modo æternæ, sed etiam tempora-
lis mortis inflictio est effectus à po-
sitiua reprobatione causatus.

